

筱竹遺墨光緒

廿八年壬寅正月廿一葉餘佚

廿九年癸卯正月十二日十二止



頗宜茨室日記六冊

00224

頤宜次室日記 壬寅

正月元日大禱成早起。卷試筆魚豸枏檮三兒讀書
調細貼宜春帖子李彬臣表兄來賀年夕袖香燭赴先師
廟拜謁過趙羽儀妹丈家賀年宵闋中外日報 是日晨刻
西麓角底遇火延燒茅屋數間聞其肇火之由係花爆餘紙
以致之也甚矣野火燎原勢不可遏其可畏如斯也

初二日亥大晴朝李雲荅表弟門人許德富來賀年夕趙羽

儀妹丈周元來義弟李韞齋表兄來拜節余出門往李

岳丈諸舅氏許笑梅洪子選仁鳳樓三表伯陳丹卿表

弟各處拜年宵初過西垣丈家與葉雲村襟兄過坐談

至二鼓歸閱中外日報

初三日甲子大晴朝張震軒妹夫乘舟來賀年李玉君表

弟暨渙文義兒亦至卓午設席款賓留羽儀玉君全飲薄

暮軒兄返舟宵閱中外日報

初四日乙丑大晴內子生日朝閱中外日報門人許德炯來賀

年夕過李鶴坡舅父玉君表弟家坐譚宵在李彬臣表

兄處飲圓真酒管杏浦丹三仲凌昆仲在焉二鼓席散歸

設香案接拜家堂諸神

初五日丙寅大去朝葉蘭垞來賀年談頃去往洪棟園夫子家

拜節轉過黃偉齋先生處一談為受震軒代呈批之托也

願宜癸卯火室日記

正月元日丁未辰雨焚香開卷誦經世文編論學書差

神紙試筆課村榭神兒讀書午刻往竹崖公祠祭祖

宴翁是年畫星未交值祭後大雪漫人飛舞如散雙

女之安歲七言一律宵閱中外日報

元日紀雪

今朝新酒進屠蘇景物依然壯帝都中亞初開文治界

蔡州誰補凱旋圖蒼茫人世皆塵劫鼓鐸乾坤作冶鑪

凌國精神摩熱力書生風願抱區區

初二日戊午終日大雨閱中外日報李彬臣表兄來賀年

宵閱報章

初三日己未陰李雲苓表弟來賀年余往諸舅氏家道
賀宵閱中外日報

初四日庚申天色沈陰凍雲不解內子生日李蘊齋陳

子卿二中表玉鏘內侄許德寓葉耕經三門人均來賀年

并送陳粹琳持名片到各友處道賀往諸親戚家拜

謁問參和叔調梅耗音不禁為之惋惜在排設香案接

拜諸神而天公又玉戲笑閱中外日報

哭家和中茂材調梅

示

五日辛酉天色沈寒微雪看後園梅花盛開折數枝置

膽瓶中頗覺香氣襲人成七古一章六言一律吳伯屏葉

奇頌劉祝堯表叔來賀年午刻李雲苓表弟來邀飲圓

真酒管杏浦丹三亦在飲罷偕杏浦登西峴山閣一遊但

見隔岸青山被殘雪粧點登畫奇愛近暮下山宵初在

李玉君家飲

後園有梅一本為舊時所手植今歲花開頗盛作詩

誌喜

去年荷鋤新土移種梅花在春圃今年消受春風多千
葩萬花不可數寒香陣陣化作雲碎瓊綴露綠苔禰一
株玉樹透芳春棲巢何必招翠羽根老盤螭石齒新蜜
蜂和蝶時飛舞我家梅鶴本清高逋仙舊為孤山主但願
拓地種萬株結廬坐隱忘今古

折梅數枝置諸膽瓶習靜小坐時覺清香襲人有

觸於心率成七言一律

南枝綻放占春光供養銅瓶結靜緣未許蒲團臨佛
界如逢袂院禪僧禪化成明月三天影分得寒池一勺
泉別有乾坤藏斗室清閒也願學神仙

初十日壬戌快晴嚴霜鋪地池水成冰朝伍寶滋表弟
來拜年相與看迎春邑俗先一日縣主暨糧捕三廳坐鑿
輿排全副儀仗裝芒神春牛出東郭至周湖插春向姑蘇
城回署設春酒於縣堂招梨園子弟演劇此亦古人先立
春三日迎春於東郊行慶施惠之意也外鄭一山備其門
人友龍許寶錢來邀全登城一眺宵閑中外日報

初七日癸亥晴瓦霜頗厚蓮缸之水成薄冰矣登集雲

萬松二山謁先人墓柩二兒隨行日晡始歸宵閱中外
日報

初八日甲子晴霜花點瓦一望如銀辰刻五春燒檣葉飲
春茶已刻空趙羽儀妹丈李玉君表弟鍾文表侄乘舟
往丁田張子震軒處拜年近午抵其家時周鹿峯表兄
門人孫公俠先在馬旁聚談半日宵黃穰卿張翼臣家洲
隨舟來過訪者迎燈較去年頗覺華豔惟鄉人扛神馳
驟自如嫌近輕褻未能脫俗耳更闌與公俠全榻而眠
初九日乙丑晴葉奇頗自城來震軒作代表人孫公俠作
發起人登臺演解纏之說黃穰卿家洲隨均在焉愚民

無知誤為西人傳教頗作不入耳之談遂畧說數課而止
午後公俠乘舟回里宵前林族人晉三招飲在坐者家
鑑亭丈李君琴軒席散往太陰宮觀劇遇趙羽儀天色
陰翳疎雨數點遂返

初十日丙寅晴朝全前林族人坐談半日夕駕權借李玉
君鍾文叔侄過仙峽周鹿峯表兄處拜年羽儀棹舟以待
辭別歸家已更闌矣

十一日丁卯晴定氣正朝閱中外日報夕乘玉君表弟謁
先人墓邀余全往是日偕行者蘊齋表兄及其子博文也
宵倦伏枕頗早至四鼓聞人聲闐然披衣而起啓戶視之

紅光冲天火扶風勢風助火威如飛龍亂滾在半空中余
遂出門一探雖楊宅坦地屬隔河而東北風大起恐被延燒
即時邀李麗生表弟來預為之防以祖母遺柩猶停在堂
也閱數時始撲滅乃交相慶曰今夕之險得免於難幸矣
哉聞被災者計廿七家邵棠甫師楊小村均受厄斃于火者
一婦二婢女驗其屍跡相抱就死蓋係一家之母女也噫可憐
已

十二日戊辰陰細雨招邵司務作新衣宵閱中外日報
十三日己巳雨閱中外日報訪王玉卿知其徒蔡紫生近日
困于賭博屢戰屢敗避債無臺遂托天台之遊以絕跡但余

家禮房公事托諸玉卿而玉卿又托諸紫生特恐蔡君
一去無人魚顧心為擔憂王玉卿曰僕為子代擇之決不致
誤遂謝之薄暮李彬臣表兄來相與謁棠甫師慰藉一
番弟出是夜月色明亮

十四日庚午陰晴不定早晨步行往丁田時震軒妹丈在
郡未歸夕雇舟全秀蓮甥女返青寫祭忠烈武毅侯壽
誕祝文

十五日辛未細雨氣溫風暖早晨遣僕到周湖廟候官
僚致祭武毅侯閱中外日報夕往明倫堂聽演說主講
者孫中容刑部陳志平介石二孝廉蕭亦陶計第三次

開會也宵往陶夫廟觀劇

十六日壬申氣寒風燥欲霽朝閱中外日報夕前林族人來談宵往陶夫廟觀劇

十七日癸酉晴定氣寒張震軒妹丈來賀年宵李雲苓表弟招軒兄飲余亦同往包君筱亭鶴坡舅氏均在座

十八日甲戌晴定氣寒午刻李王君表弟招軒兄飲余偕往馬夕鶴坡舅氏過談宵張震軒妹丈在麗生家飲酒

在座者三舅父暨諸中表席散往陶夫廟觀劇

十九日乙亥雨數點即止卓午趙羽儀妹丈招軒兄飲余攜樽兒往馬鶴坡舅氏過舍坐談至暮宵邀玉君羽儀軒

兄同飲席散鐘已一下矣

二十日丙子雨靜天霽晨刻西北蒙學開館教習八位學徒共九十六人左堂掌教彭荅仙鏡明右堂掌教項志貞

廷珍東齊分教管杏浦瞻洛周榴仙之綱眉仙之冕西齋

分教彭耀卿乙輝薛仲渠達及余焉是自教課未定

惟引聖經中物格一節以開講耳薄暮震軒妹丈返舟不及送別宵飲開館酒設共三席

廿一日丁丑晴為休息之期本堂規約每值丁日早晨誦聖後即為諸生散學以便休沐吳君伯屏之意也

夕在家閱中外日報宵在姜嶽僊家偕鏡頤真周眉

仙酌議教科或歸班或分門尚難成議

廿二日戊寅晴氣寒到堂暫分甲乙丙三班甲三人項棟生虞廷光賈郁文乙六人徐自元蔡作醴陳北新張保仁鮑桂芳鄭翊周丙五人鄭文登鄭慶堯李慶瀏顧寶善張佑仁甲乙二班史學均課普通新歷史丙班課史畧輿地學甲乙則以地理問答課之內則課以教經答問余所分教計一十四人丁戊己三班歸之耀卿仲渠二君左齊分教班次亦同東西堂又不相上下矣宵初訪鄭一山前林族人學獻培吉來黃君小腴過談

廿三日己卯陰寅時雨水暫分史學輿地二門作為教課

宵邀葉味蘭作控劣衿吉揚盜賣養賢衆田呈詞因愛前林族人之囑也亥刻聞剝啄聲李子琳表弟來報鶴坡舅氏陟患痰喘此刻作古矣聞之駭然即隨萱堂到其家一閣警燈照處但見面色如生舉手捫之心胸猶溫元立良久不勝哀慟飲酒同筵造廬坐話相隔僅一二日而遽為羽化老人垂暮風燭堪悲光陰過客轉瞬成空夢幻泡影人生當作如是觀耳至漏四下始歸

廿四日庚辰陰到堂授課宵在李彬臣表兄家全震軒妹丈鹿峯表兄管杏浦舟三昆神為舅父送殮選定子

時蓋棺迨歸家就枕竟類唱曙

廿五日辛巳晴定到堂授課張震軒妹夫返丁田門人孫季凡有遊學日本之行明日啓程親來辭別不及遇宵吳伯屏過談偕往薛玉坡家與饒頤真薛仲渠斟酌教課洪小芸後至未有定議

廿六日壬午晴定先君忌日到堂課徒溫積熟薄暮往麗生表弟家省母嘗設饌祭先府君葉味蘭來代前林族人順高作控吉揚富純盜賣衆產呈詞至三鼓去廿七日癸未陰到堂授課宵前林族人學獻來托渠袖前日二件呈詞交震軒妹夫一酌

廿八日甲申陰天氣溫暖到堂授課午刻為舅氏三日大殮之期往其家一拜夕前林人備呈投縣托葉君味蘭周旋宵在李彬臣表兄家飲設奠酒席散漏三十矣廿九日乙酉晴未定氣溫罕二分潮濕午後南風到堂授課宵過李麗生表弟家一談彬臣為其夫人周氏患虛弱之症十分沈重邀羽士備酒果告天至其家隨班代為祈禱洋鐘十二下始攜篝燈而歸

二月朔日丙戌晴旋陰朝到堂課諸生默書問封建時代郡縣時代問伏羲神農黃帝之世有何制作問夏禹至桀計若干世自興至亡評若干年中間僭位者

何人共幾年項棣生答語頗見心思僭位一節謂羿閔
位八年與寒浞殺羿弑相中間僭越者共計三十一年何
則羿僭位八歲普通新歷史已載之矣不必贅述浞殺羿
僭居君位數十年蓋從少康生二十九歲而夏遺臣靡始
與師滅浞復禹舊迹少康踐帝位夏道再興以二十九歲
谷浞誅羿浞誅越數歲自鄙意揣之知三十二年無疑余
頷之嘉其讀書博聞也夕明倫堂開會演說主講者蕭
亦陶侃陳雪嵐國琳家洲隨文潛養素孫延曙公權
饒頤真方猷計第四次開會也四隅蒙養學堂暨速成
學堂教習各率諸生來聽講薄暮散會又到文廟看

習丙寅寫祭文昌帝頌昨肉粟是夜丁祭余派崇聖
祠引贊執事倦睡不赴

初二日丁亥細雨晨刻文廟頌膳肉入學子堂率諸生謁
聖後散學休息聞周氏表嫂耗音前林阿木來寫函
遞震軒妹丈是夜五鼓官僚公祭文昌君全國琳表弟
上西崑山閣排列豆品林醉農大令福熙到廟最晏
初三日戊子晴天氣稍寒風燥晨過李彬臣表兄家
一啗而嫂夫人周氏已寄木矣已刻到堂卓午為舅氏
七日來復之期袖素衣拜奠實在彬臣處周筱荃幼仙

昆仲在焉是夜丑時周氏表嫂大殮與諸中表送之

初四日己丑晴氣寒到堂補論一課震軒妹丈來宵作

道課甄別成三莖至天明論題肅宗即位靈武論策題

泰西各國雄視全球以兵戰則兵強以商戰則商富以莖戰則莖精中國

近來極力維新事事仿照西法將來進步可以抵制泰西否四書義題

來百工也桑遠人也

初五日庚寅細雨濕氣蒸鬱訪鄭一山托抄道課卷寄

郡彙繳吳伯屏送到新世界學報第八冊到堂論課題

伊尹放太甲於桐論乙課題孝親說申刻陳見初畫士過

訪宵過李麗生表弟家

初六日辛卯晨晴復陰氣溫地濕到堂授課護堂攜

二甥女往趙羽儀妹丈家宵倦甚余近日身患肝熱投

下北沙參麥冬等藥

初七日壬辰雨氣寒到堂授課午刻往趙湖洲雲發把

我家飲壽酒館課暫託之薛君仲渠出課題甲強存

弱亡論乙戒情說丙拚父子君臣四字宵改諸生卷此課大

有進步就枕少憇漏聲五下

初八日癸巳雨氣寒到諸生家一問始入塾散課卷卓

午訪王玉卿不值過雲苓表弟家邀留午飯夕聞雷前

林族人來說為盜賣眾產之事奉日西牌集訊矣宵在

縣署全羽儀妹丈從旁觀之原被告者張懋行林吉揚
林富純林順高林炳槐等共十餘人先時質問行及揚
後問順高與槐無如族人野愚成性言語戇直不若
揚衍之巧言如簧也既而順吉到公庭剖白明晰林解
農大令爰將養賢田畝斷歸眾產張姓原買田價囑吉
揚繳還不得復生枝節兩造各為具結特作罷論惟富
崇係積案地棍准予呈請提辦噫若林大令者鞠情之
下不啻洞若觀火非惟吾族之幸抑亦闔邑士民之幸
也夜半歸寫春祭關帝胙肉票

初九日甲午雨氣寒丑時驚蟄在堂授課葉味蘭來

訪酌定訊費鷹洋十四圓宵寫祭武帝祝文是夜祀
關聖邀國琳表弟到廟陳設豆品

初十日乙未朝雨旋止有欲霽意夕陰而復雨到堂授
課是日三舅氏二七之期管君杏浦丹三備酒醴拜奠
余作贊襄讀哀詞計一千餘字仍到館甲課題問管
叔周公均兄弟也而周公殺管叔何歟乙

家與岳母坐談良久

十一日丙申陰雲綿不散到堂溫積熟課甲史學問五

帝之代夷狄之國何名征之者何帝問帝堯帝舜夏禹商
湯周文武其先世之祖為誰問春秋之世强者共若干國

其國何名試歷指之 問周宣王中興征伐共若干國奉征
討之命者其臣何名共幾人 乙問虞夏二帝巡狩至于何
地崩在何方 問桀紂之世或殺或囚之忠臣何人所嬖者
何女夏與殷自興至亡計若干世共若干年試詳言之 丙問
造字制算及占風日星月者何人試歷指之 問伏羲神農
黃帝之代有何制作 乙興地問五嶽五湖總稱何名所屬
何省何府試分言之 問萬里長城築于何人所經之地何名
共幾省計若干里其上下高濶若何 丙問全球中大洋有五
其名若何所屬何方 問亞洲全境長廣共若干方里

十二日丁酉朝陰丁期謁聖休息午後鳴鐘一下電光穿
牖聞雷數聲閱中外日報宵過李雲苓表弟處一談
十三日戊戌朝陰雲不散雨勢連綿至夕稍開霽色到
堂授課甲乙二班增日記一課宵初全葉味蘭在縣署着
人投遞我族人之呈詞亦與焉訊四都盜竊一案民人陳
正興控碎山盜竊稻草且以伊妻裝病恫喝林暎農夫
令以為此小事也又同鄉井無須結訟致傷和氣判斷之
下頗見平允二漏下歸閱中外日報

十四日己亥朝陰夕快晴到堂授課寫致齋三日榜仲

春祭文帝文薄暮甥女秀蓮暨三妹自羽儀妹丈家歸
宵寫頌昨票

十五日庚子雨在堂授課午刻張震軒妹丈來備軸儀
送舅家饒頤真薛玉坡二君率甲班諸生到明倫堂聽
演說計開第五會也余不去宵訪吳伯屏談及分教習
課徒疲玩恐招人譏將欲設法改良也至二漏始歸夜
深雷雨頗大各官僚致祭文帝選國琳表弟為余代庖
十六日辛丑本廟設醮左右堂假齊色忽開氣温午前
大晴左右兩齋授課如昨日宵作祭鶴坡舅氏文
附錄 祭李鶴坡舅氏文

歲在癸卯月正下澣三日我舅氏鶴坡李公捐館舍

越二月壬寅日為來復三週之期外甥林駿率子外孫

煥柎煥檮煥桐煥松煥樅等敬奉清香一瓣魯酒一卮媵以

椒芳致奠于舅父之靈迺為文以告之曰夫人之死有若泰

山之重鴻毛之輕或以天死或以壽終均之死也而以輕較

重以天例壽固迥乎不同死而成名猶之不死使生而無名

雖生猶死也若公之沒蓋卓卓為人所稱羨者矣公生

而孝悌於家庭則伯叔兄弟無聞言无好贈遺於親戚

友朋常聯之以信以早失乾陰家政叢雜因棄儒服賈

講周官理財之學師管子法陶朱經營之善貨財之殖

蓋有追步古人者。故公起家時先德遺產惟近中人。今則不啻增數倍矣。於是作室而新。是謀為翼燕之胎。高茲門第。而我中表彬臣雲芬麗生三昆仲。均得藉公之蔭。繼厥家聲。雖然。此皆公事業之顯見者。而平生之隱衷。有非外人所知。而為駭所獨喻者。不敢不表。襟之以為當世告焉。今夫為一家計。見猶小也。為一國與天下計。則見大矣。庚子之亂。北京淪陷。內廷府庫一掃而空。加以賠費數鉅。政府諸公補救。憾無奇策。勉創各捐名目。以濟國用。不知捐輸為一時權宜計。非萬全策也。欲富其國。不得不整頓商務。中國高政日壞。十商九私。於是西商得利。

頗鉅。而華商落下乘矣。公每與駿言及此。即不勝扼腕咨嗟。隱若自憾。屈身市井。不能為今日劉晏撐柱危局。此則公之苦心也。近數年來。駿家購閱邸鈔。每值輪船到日。公必欣然造廬問訊。若言直省近無滋亂。公即心喜。否則將蹙頰不自安。以公半生歷練。潤跡市塵。未受朝廷一官一職。而有愛國無異居官者然。忠孝本非兩事。公之涵養。殆有根于天姓者乎。嗚呼。以茫茫無極之世界。視我亞洲。犬羊環伺。死亡無有已時。黃種之文明之未開。公也。處此手既無寸尺柄。一為挽回坐觀。何衰徒深悲憫。與其隨波逐流。無所表見。曷若漆園在。黑龍

純用詳人所略法是文考愛
格亦創格也筆亦駁駁有古
味震軒

大化以安身。大陸將沈。瓜分在邇。念二十周之世紀。人今
耶命耶。生來死往。公能毋默運諸心。而去住分明。耶。露門
庭見背。歷一十九年。堂北春護。祇成獨秀。自歎守株如。經
無志四方。食指日繁。恒虞不給。公知我心。每一遇之。助以
理財之道。凡富家富國。非徒示以勤儉。善為生聚教訓。即
為致富第一義矣。而今已矣。公言在耳。其敢忘諸人。哭其
私而增之慟。駭則不屑也。來復三週。日月去邁。公靈如
在尚鑒茲哉。謹告。

十七日壬寅雨息陰到堂授課午刻抄祭文震軒妹丈
來為舅氏來復三週之期全備酒醴合祭之留飲在坐者

蔣中笙管子儒仲凌胡小蓉李玉君震軒及余也是日
午溫積熟課甲史學問春秋之世戎狄之著名者所居何
州共有幾國問吳伐越越伐吳敗於何地今之地何名
問齊晉之國為其臣所奪其臣何人所屬何姓問戰國
以來至秦乙統共幾年問齊桓公功業若何問古公避何
國之患遷地何方今屬何地問周文武之都何名武王破紂
其地何屬問五服之名若何齊魯之國何地今名若何
問五等之爵若何丙問夏禹所分之九州何名今之州名若
何鹽池問杭州海灣外之海島何名問十八省之東南何
島問河何以名黃其長約共幾里問江何以取名黑龍

或地形相似或水色相同其命意取義之由試一明之下

午文課甲練兵論乙好打作與好讀書得失論丙耕讀

說用源撰各樂何之手七字拚入宵往薛玉坡家與饒君頤真坐談頗不

十八日癸卯天氣猶是但雨息耳到堂授課宵過李雲

苓家與震軒妹丈談至三漏下始歸

十九日甲辰雨息陰氣寒風燥到堂授課午刻張妹夫攜

甥女歸丁田大舅母同往薄暮過薛玉坡家一談宵往岳

丈家遇余味蘭李友蘭坐話至更深

二十日乙巳雨勢纏綿陰雲不振猶如昨矣到堂授課

宵初全家梅仙葉耕經往縣署觀林曝農邑尊審斷

李陳二姓借錢之事李為友推內弟陳為福瀾係開

飯店阿三之子因客臘陳向友推討舊款計英洋二翼遂至

口角相爭兩結成訟首尾一載纏擾不休此日邀集訊

結陳反受辱蓋林大令下車伊始陳曾投呈控文久目

為梟獍者今適遇其巧遂責之曰天下無不是之父母

父母何人敢為指控待親如此待他人可知軀殼雖屬

人形心性實同禽獸然禽獸猶不忘本鴉能反哺羊知

跪乳可以人而不如物乎汝當痛改前非事親格外

意本縣則不責也又曰汝呈詞多費解語名為童生實

無殊於野鄙讀書既不成器氣談反近鄉紳似此行為正

堪貽笑而又不明詔則終凶之理李忠厚人也前盛令既
斷還鷹洋三數姑仍其舊可也噫陳福瀾以小事而纏訟不
休當庭質訊旁觀者多為官長指為畜生非徒今日貽為
笑柄即平時之不孝直將一付行狀字字不磨矣為人如
此有何益哉

廿一日丙午朝天氣放晴夕仍下雨到堂溫積熟甲問蘇

秦說合從之利先歷何國其餘六國所歷先後若何問戰國

時春秋之強國存者有幾其餘有封土而弱甚者計若干國

乙問封微子太公及周召在於何地今之地何屬問晉文之代

有何征伐事業丙問伏羲神農黃帝之代其制若何問少

昊顛頊帝嚳之代建國何地都定何方問帝堯誕生共

幾月問夏傳共幾主其年若干問太戊武丁之相何名

問盤庚所遷之都今屬何省文課甲湯放桀論乙賞罰

公私論丙禽獸說衣服猶拈字成文隨筆改之散卷惟

甲卷不及改宵繼燭補之過正餘信句取來日報共四

封轉過李芸岑家一談

廿二日丁未西風送爽大放晴光心為一快是日丁期演

說薛中渠竟與余相齟齬者其原因由西堂項君志貞

教下之生胡漢章前日攫去課本一冊私賣與顧寶善

之兄志貞謂胡係世家子姑隱忍之而余分教之徒鄭

翊周所作日記竟明指其事余見之隨加訓斥以杜排擊之端薛遂拂意因此日演說反以言訾余并謂己無其權且辭席去噫薛自大者也氣驕意傲旁若無人不
自思身為教者祇掌起居教課淺深與彼無涉彼侵我教課之權反謂我奪彼之權何其大相反背耶矧薛君與余平日本無嫌隙忽然藉此相詆試問其居心屬何等乎中心不平怫鬱竟日在堂推算功過簿賴周眉仙彭耀卿二君贊成之葉奇願遣人送到新民叢報第_{二十一}
_{二十四}計二冊問來人孫季芄出門消息說近日已到島國矣宵在姜嶽仙家與饒頤真周眉仙坐

談至三鼓

廿三日戊申大晴到堂授課胡漢章受訓斥矣余自思為薛仲渠所抑且伊叔玉坡心有所怫難乎為情不得已作辭席之計矣姜嶽仙管杏浦周眉仙諸君力勸阻之暫為之允抄盜葬呈詞投署宵過彬臣芸苓二中表家坐談過姜嶽仙至三鼓始歸

廿四日己酉大晴氣平寅時春分到堂授課_丙釣魚說

宵陰在李雲苓表弟家聽僧誦經至二鼓歸是夜料

曉雷雨頗大

廿五日庚戌晴但未定耳午後氣溫終日到堂授課宵

握管欲作玉尺官課困倦異常至四鼓始起成論一篇
題李鄴侯舍陸宣公而薦竇參董晉以自論

廿六日辛亥氣寒朝細雨如絲連綿不絕夕陰終日到
堂授課是日增算學一課宵過鄭中處一談護堂自
舅家歸近日在蒙學堂課徒功課紛繁日不暇給精
神較昨年減去一半每到黃昏倦則思卧老境將歷事
業無成奈何奈何

廿七日壬子雨絲連綿不絕到堂授課默積熟甲問智
伯求趙何地郝疵對智伯何言問襄子使何人見二子其
言若何問尹鐸請簡子之言如何問襄子避難赴晉陽

其言如何乙秦破聯合軍約幾國問使連衡事秦者共
幾國問周自武至赧國祚若干年問秦滅六國當始皇
何年孰先孰後試舉以對丙問秦穆所舉賢臣何人問
桀紂伐何國所得美女其名并為詳之問宣父所生之子
幾人其伯仲何名問武王封先代爵謚若何問周公所
營之邑何名今屬何地文課甲郝疵與豫讓孰優論乙
武王伐紂論丙種樹說宵改文課作定官課童題四
皓羽翼太子論

廿八日癸丑陰氣平到堂授課宵過鄭一山家知中東甄
別課案刻已揭曉余名亦入彀中

廿九日甲寅陰氣平到堂授課薄暮細雨宵閱中外日報
三十日乙卯陰氣平到堂授課薄暮孫中愷公子過訪
余適出不值宵至其家一談遇葉奇頤更深過李雲峯
表弟處是夜為舅氏來復五週之期留中表招緇流誦
經坐談口俗謂念過床經也管丹三姜雪耘周錫霖表
弟在焉

三月朔日丙辰日有食之

計浙江杭州府六分三十三秒初虧辰初二刻四分食甚辰正三刻一分復圓己正初刻八分

朝雨夕霽到堂為諸生擢說熟書項志貞管筱和吳伯屏薛仲渠率諸生赴明倫堂聽演說計開第六會主講者蕭亦陶吳伯屏餘則不詳姓氏余不去錄初等國

文教授宵過李雲峯表弟處坐談至二鼓

初二日丁巳朝雨夕霽天氣溫暖近庚伏矣到堂謁聖諸生入座憑說主合羣之義居多午後全管杏浦周眉仙項志貞往後垵觀劇諸生隨行共三十一人維時油花遍野色黃如金春風和煦香氣襲人過滴水巖宮謁陳氏夫人日暮而返昔曾點作暮春之遊於沂則浴於舞雩則風遊偕童冠乘興而來盡興則返今夕之遊信乎樂矣我思古人如或遇之

初三日戊午雨細如絲氣寒到堂授課宵過李雲苓表
弟處一談

初四日己未終日雨氣寒到堂授課昏定後雨勢傾盆
往家壽星處處全王穀如前輩調諧花燭星亦娶王姓
女仲蘭孝廉前宣之女孫也飲佳期酒更深始歸抄祭
舅氏文夜至內往雲苓處設祭開弔全王蔓拊管仲凌

杏浦姜舜璿作贊襄迨本家真畢天已曙矣

初五日庚申陰雨早辰在舅氏家祭拜後全管杏浦率
蒙學諸生往拜以舊歲曾受彬臣表兄之教也已刻到
堂授課宵在芸苓家全吳伯屏薛仲渠周眉仙榴仙金
鍊百管杏浦飲開祭酒至二鼓而歸

初六日辛酉大晴到堂授課前林族人來謂富純今已
被扭交差矣刻囑葉味蘭補呈送押午刻往壽星亦家
飲人情酒席散歸葉耕經來代余購到本年新民叢
報第廿五冊付交報費英銀三圓中愷孫君處亦補來
叢報第二十三冊計客歲叢報所缺者惟第十六冊耳宵

往縣署看林暉農大令訊洪吳二姓爭印田契一案兼及族人永吉控訴盜賣業而族靈富純受押合族歡然

初七日壬戌大晴氣平溫積熟甲問豫讓與聶政之死均得

當否問田子方對子擊之言其太傲否問賂焚鴉片之價

及兵費其數若干在本朝何帝暨西歷年數問五口之名

所屬何省貼近何地問中國與英遣人至何地議和其人何

名約共幾人乙問始皇內置何官郡置之官何名問徙咸

陽之戶數丙問北狄種類今與古何名問秦征南境所置

何郡今屬何地所徙之民數若干問林則徐所焚鴉片其

數若干丙問吳入郢鞭平王尸者何人哭秦庭者又何人

問孔子治魯政事何如甲文課甲豫讓與聶政孰優論

乙秦始皇論丙打毬說午刻全管周吳薛諸君率諸生

往彬臣表兄家祭拜周氏夫人留飲至鐘二下始到館

宵寫祭先農文暨頒昨票

初八日癸亥大晴天早邀國琳表弟到神農廟陳設

豆品候官僚致祭到堂授課改文課夕為清明節近放

假全吳伯屏薛中渠周眉仙坐談至暮宵閱中外日報

初九日甲子大晴晨時清明前垸族人浩幹來贈余報

金英蚨二翼且懇余前所酌修祠緣金鷹蚨十翼被金

滿公飽入私囊者聞之詫然午刻往宗祠祭祖設三席

鄉間族人來赴宴者甚覺寥寥宵閱中外日報筱彬
表侄邀出聯會課題有安社稷者以安社稷為悅者也
初十日乙丑大晴旋陰過李雲苓家一談宵訪鄭一山坐
話片頃歸是夜小雨

十一日丙寅陰疎雨閱聯會課卷一山代作批語夕學
生蔡作醴來代演知恥說一則付之宵初在李岳丈家
飲上攻酒轉過管杏浦家全周眉仙吳伯屏薛仲渠坐
談至更深又往李彬臣表兄家看老僧誦經開齋後始
攜柁樽二兒全歸時交五鼓忽聞雷聲大震雨勢傾
盆心幸歸家早一步也

十二日丁卯朝晴夕雨訪薛仲渠不過過薛庫書松如
處取祭款得英蚨十翼全碎楠毓卿桐昌登集雲山祭
掃二世祖墓午刻享餞前林族人來訪葉耕經袖息洋
十三元宵閱中外日報夜半雷聲去震倚枕頗覺不安
十三日戊辰晴旋陰復雨朝到堂授課夕放假在縣署
全葉味蘭抄控富崇呈詞并錄華前憲任內楊糧廳訴
惡棍富純等拒捕移文薄暮始投入宵冒雨在小沙堤
觀劇

十四日己巳雨旋陰朝到堂授課夕放假全周眉仙往
小沙堤觀劇宵仍雨在李彬臣表兄家聽緇流誦經

十五日庚午朝晴氣平夕雨是日城隍神清迎全吳伯屏周眉仙出門遊玩下午到明倫堂聽演說偕行者薛仲渠項志貞學徒到會惟西北三十餘人計此次為第七會也宵困倦早眠護堂近感風咳嗽頗勞心甚搖搖下枇杷葉杏仁竹茹數味藥以解之

十六日辛未天早雷雨已刻晴到堂授課夕放假李彬臣表兄來全往陳府廟觀劇因昨夕城隍神清迎阻雨停駕在此故也薄暮葉耕經送到新民叢報第二十六冊宵月色如晝聞張變鈞學憲臨溫考試廿三日取齊之信刻已行咨到府矣

十七日壬申陰雨纏綿不休氣溫到堂溫積熟文課題甲問吳起對魏武侯以在德不在險之說以之治國其果效否乎試申其言乙問古公欲立季歷泰伯知之與弟虞仲託言採藥而去其是非何在丙種田說薄暮前林族人培吉來宵改課

十八日癸酉朝陰雨纏綿已初天色陰晦頃即放光到堂授課近午天容忽開霽色隨全族人培吉乘舟到前林謁祠拜祖過震軒妹丈家一談午刻設盛筵款余於房長順高叔家頗覺殷勤薄暮返權抵家已上燈時矣宵倦眠息甚早夜雷電大雨

十九日甲戌陰雨如昨到堂授課宵過李雲苓表弟家
一談為舅氏明晨出殯故往問之又與震軒妹丈坐話劇
久歸作路祭舅氏父五鼓時至舅家為行設靈及題主
禮代作贊襄

附錄

出殯路祭鶴坡舅氏文

歲在癸卯暮春三月中旬十日為我舅氏鶴坡李公卜
辰云窆永安后土維時靈輻將發記念方深外甥林駿
率子燠柎燠檉燠桐燠榘燠樅等敬奉清酌賸以椒荔
奠于道左祖其將行爰據哀辭以告之曰懿惟舅氏
令德昭宣疇陳洪範五福兼全大夫門第橋笏家傳及

公之世隱迹市廛逍遙自在陸地行儂公性孝友門
內藹然椿庭見棄值幼之年北堂萱草蔭展長天堂開
畫錦躬善周旋寢膳侍視無一缺焉何天不恤霜風摧
蓮老人垂暮風痺堪憐不良手足卧枕纏綿公也處
此夙夜無愆侍疾惟謹湯藥親煎恐親憂鬱佳日流
連以娛親樂出入乘篋人言無間鄉黨稱賢公性慷慨
交友無偏贈遺加厚此心拳拳貧富不易持危扶顛懷
虛若谷量廣於川光風霽月雅範常存人皆稱羨孰不
推尊公尤善賈理財有權師陶朱法讀管子篇端木
貨殖公能趨前自壯至老獲利萬千廣購第宅大拓

園田美哉輪共蘭玉階前象賢有子昆仲蟬聯羨公
仁厚福集聲延歷叙生平一如人言修德獲福字字可
鐫宜其證果登蓬萊顛人生若夢月不長圓春秋互換
桑海屢遷勝會不再往事如煙猶記元夕杯酒同筵坐
花醉月語樂笑妍閱時轉瞬遽別重泉漫漫不旦長夜
沉眠七週來復相見無緣日月云逝死生何論念我中表
卜北奉安今夕何夕為賦招魂青山之曲白雲之邊自今以
後何時復還我送舅氏泣涕漣漣渭陽路遠舉足不前驪
駒在適疾影催鞭祖行就道素旒翩翩公其有知鑒此
心虔嗚呼哀哉伏惟尚饗

二十日乙亥少晴到堂授課後始往彬臣家為舅氏送奠
率在堂諸徒隨行送之夕仍到堂薄暮訪孫仲愷公子
宵月色明亮全彬臣表兄乘舫板至廿五都舍舟步行
計五六里許始抵寺前山為明晨舅氏之柩下窆邀余
代為祀土神也

廿一日丙子大晴氣平天早在山侯封墻後代祀土神
全諸中表下山乘舟奉主歸行虞祭禮已二下鐘矣仍
到堂授課薄暮訪葉壽如丈與奇禎門人訂同寓之
約宵小雨在彬臣表兄家飲轎後酒代為掌壺席散
頗覺困倦枕少息沉沉睡去及醒漏已四下匆匆而

歸

為

觀

廿二日丁丑早雷雨旋陰到堂謁聖後因院試在即
 遂為諸生放假約計二十餘日左右擬課題授之甲商
 鞅變法論募民徙木予金論尊孔教說清明迎祥說
 乙趙高論漢高帝論演說說焚書坑儒論丙登山說
 觀水說擇善說夕出門遊玩宵初困倦殆甚伏枕酣
 眠至四鼓始覺是夜雷雨大作閱數時乃止
 廿三日戊寅陰旋霽天氣頗溫潮濕朝錄舊作夕前林
 族人來托葉味蘭代為作呈詞投署宵過薛玉坡仲渠
 家坐談至十二下鐘始歸

寶

連

廿四日己卯陰申刻霖雨管君杏浦來訂同舟晉郡之
 約聞姜薇仙與黃寶生因市肆相連前月姜姓之屋墜逢
 回祿今為改築嫌店後大隘即拆毀黃姓之幫牆一層
 遂致口角適林太尊乘轎而過黃寶生之叔鏡湖攔路
 步勘彼爭此辯兩不相下以余觀之必不至涉訟不止
 薄暮細雨與杏浦鍾文表侄胡君兆薪乘河鄉船晉郡
 是夜雨勢劇大丁丁之聲亂敲篷背競鳴戰鼓何啻
 如之
 廿五日庚辰陰雨連綿不絕辰舟抵郡前約與奇頤
 同寓以葉祿東陽春棧祇得與杏浦改寓泉方巷范家

親 親

夕過禮房考萬一坐宵訪學書王質甫始知廩保名次
定作三十人換認矣是夜與鍾文表侄抵足而眠

廿六日辛巳晴氣溫訪孫中愷公子時寓於葉義士先生
家孫姻親也李乙齊池仲鱗在客廳猜打詩牌余仝伯
蓀延曙坐船廳論時事劇久几窗明淨修竹拂檐大得
幽閒之趣晚前後大雨氣復涼夜細雨閱中外日報
廿七日壬午晴午前接氣溫接到李芸苓表弟函午刻
過葉奇願寓邊與張尉文大令全飲

廿八日癸未晴似有定信接鄭一山李彬臣兩函在寓
中候諸生來畫押洪小峯來談為聞人言戈鼎彝籍
賈未清適挨在彼余係認保從旁力為勸解不可以莫
須有三字誤人一生也薄暮張燮鈞宗師到郡周曉秋
榴仙二昆仲自瑞來邀伊同寓

廿九日甲申陰李蘊齋禱菊昆仲自瑞來早晨張宗師
到府學講書余仝諸君隨班鵠立伺候李友樵內弟過
寓談及門人葉奇願潛身獨往日本刻已坐下輪船矣
聞之駭然遂出門訪楊雨邨爰得確信噫葉生背親
出遊不憚數千里之遠昔人詩云慈母手中線遊子身上
衣臨行密密縫意恐遲遲歸難將寸草心報得三春暉思
棄室家而不顧於心何安雖大丈夫志在四方萬里程途

山川修阻讀父母在不遠遊之句令人不忍歌驪也彼年
尚少特未之思耳宵過禮房考寓一譚

四月朔日乙酉寅初細雨辰初陰晴不定趙羽儀妹夫自

瑞來是日考監屬生員古學經學題朔日辛卯解考

工典西藝多合說史事題桓南郡自謂宣帝劉琨之傳論 王荆公

邊功論輿地題盧關為關中北面之陰論 滇西八關九隘建置得

失論全寓赴考者惟管杏浦周榴仙二君宵過學師考

寓畫童生赴考經古清冊花字至三漏下始回

初二日丙戌晨雨息午後後風燥是日學憲懸牌補生員
舊欠之考過學師考寓補畫花押宵齊天氣頗寒明

星達旦四鼓合屬童生進場考古學偕同事諸君在宗

師堂前識認至天曙所保者計三十八名

初三日丁亥辰陰氣寒風燥午前後晴考合屬童生古

學史事題問李穆陳元康料敵如神使果用之歡秦遂能相并

否問王潛韓擒虎均稱元功然非王渾賀若弼力戰於先遂能乘

勝獨克否桓溫請都洛陽論宵過周墨緣寓

初四日戊子陰管杏浦代其弟仲凌赴考錄科題

部榮論過禮房考寓補畫點名清冊宵雨眠息頗

早為明日進場應試也四鼓始起飽餐進院迨題

紙飛到天光向曙

初五日己丑晨雨旋陰日暫見在場中作二藝

題瑞取於民有制全屬經義題瑞楚人秦人巴人滅庸府楚子伐陸渾

之戎永晉人滅赤狄潞氏樂只滅州來與王夔拊坐號最近趙

羽儀周榴仙頭牌出場而余投卷已開第三牌矣宵發

古學榜案首平陽馬毓騏二永嘉錢銳府學項廷珍名

列第五瑞安傅師說蔡耀東趙淮陳一籌張亮道共

五名全寓管杏浦周榴仙則不在列

初六日庚寅陰天氣頗寒朝過周墨緣寓夕訪薛仲渠

於項棣生家宵大雨雷電改李鍾文表侄卷是夜考樂

瑞泰三邑童生正場而勢傾盆考棚之前積潦盈溝人

往人來不堪擁擠余全諸君在暖閣前識認諸童而黃

楚艮以前案未清為舒君湘秋所扣不得應試矣天

光向曙始封號高門

初七日辛卯雨氣寒黑早自考棚回寓李彬臣表兄

自瑞來帶到相衣一襲趙羽儀周榴仙李雲苓昆仲

作馬吊戲余獨倚枕酣眠終日申後全寓者陸續出

場聞通場首題審法度樂次題則忘之矣瑞先王以至日

閉關商旅不行后不省方閱諸君場作惟邵芝池胡楚卿

二人最優薄暮李蘊齋禱菊二中表束裝先歸宵

阻雨不出門早眠

初八日壬辰晴過正和信局取來中外日報共十二紙
陳波僂過寓坐談頗久朱榮卿繼至索觀場作決其
必售訪葉耕經時渠感冒寒疾倚枕而談袖回新民
叢報第二十七冊薄暮雲苓表弟攜其子鍾文乘舟
回瑞甯全季彬臣管杏浦胡楚卿孫雨琴周曉秋葉
義媿及董君往二雲茶園品茗清談至夜深回寓
初九日癸巳晴是日考永平玉三邑童生正場早晨訪
吳乙生取來舊歲膏伏款下英洋二元回寓閱中外日報
夕全季彬臣表兄出望江門過郵政局屋宇軒敞式做西
人四面嵌以玻璃境頗廣拓立觀久之至衙衙駕舢板渡

江登孤嶼一遊龍翔慈二寺傾北過半惟興慶寺尚覺
巍然寺僧出迎烹佳茗款客泉味清冽余問曰聞此地有
海眼泉今尚在否遂導余二人至後院指示一井曰此即
所謂靈壽泉也水色盡碧清可澈底久之出山問訪謝公
亭遺址謁卓忠貞祠茂草塞徑題榜剝落又過西塔一
條蕪路旁倚小屋三楹中有未厝之棺分三間而停焉塵
網蛛絡四壁苔青余見之心疑問諸僧云昔年郭外峯鐘
岳司馬官甌因妻女在任殉故且後遷任鄂省未便扶柩
返歸江都祇將草構數椽以安其櫬時則寒風過處塵
沙捲地好不悽慘人也欲過東塔散步尋文信國祠半為

西人住房恨不能如意所適嗟乎千古勝地一旦變為荆榛
蟲咽草荒積成瓦礫况為異類游息之場乎夕陽日暮惆
悵何之回首廿年竟成塵夢看白雲之在天聽晚鴉之
啼樹如助我悲怨而已向晚始返權

宵發生員第一等案全寓周曉秋榴仙昆仲均在列府學
榜首周鈞榜二名項廷珍瑞安縣學第一趙淮傅師說項
葆楨蔡耀東陳一籌王兆藻朱世英池錦濂陳安瀾胡錦
濤戴成鄰吳擢伍周之楨唐序驥林鳳岡郭鳳鳴虞廷愷
姜桂清李式夔周之綱戴炳章林裸祖張清曾詠梅翁
一全林余琮永學包惠臣筱亭昆季均在列

初十日甲午晴朝在考棚前散步趙羽儀妹丈乘舟歸是
日覆試一等四書義題墨子兼愛一節夕過葉耕經寓過府
禮房周玉亭宵過禮房考寓林老芳還余暨王玉卿登酒
樓共飲至三鼓月有暈氣

十一日乙未朝陰夕雨立夏節在寓閱中外日報過禮房考
寓一談薄暮王玉卿乘夜航船歸宵初聞今夜出提覆牌
偕葉味蘭蔡紫生王質甫往府署一俟至十二下鐘始出樂
瑞泰三邑提牌一下鐘又出永平玉三邑提牌我邑被提者
共九十六名較之本額數加二倍餘則名數祇增一倍余認
挨保下在列者十一名未知後日大有參差否乎一山之令徒

友龍不入穀曾良士在焉全寓廿餘人惟一葉翔卿是夜
在學寓全周榴仙暨同事諸君侯諸生填冊畫成花字

至天曙

附錄提覆名次

楊鏡蓉	周遇賓	林祝黃	胡建西	蔡鴻	林敏	張組成
應汝珍	陳猷	林鏞	李錫侯	沈嘉績	何蔚然	陳同
單冀清	李瑾	戴鴻藻	陳銜	林繩武	潘璘	蔡英
劉祝堯	黃戴仁	張佐龍	盧月芬	郭相道	朱棨	鄭煥
朱鑫	陳鴻鈞	張東宸	薛楷	吳翊	李煜	葉士蒼
蔡榮	陳融	曹師曾	項鵬	項獎	王一辰	王兆英
郭循亮	陳濟盛	陳禹三	何炳銓	鄭松年	葉禧	蔣洞新
戴鴻庚	徐來薰	戴壽鑫	郭威	胡建東	陳鴻猷	吳鋼
陳復	金盛猷	蔣旭	曾愛	胡鑫	唐闓	江肇岷
胡演元	金鴻烈	李式燠	李禧枝	徐光	潘壽權	沈祖英
周傑	胡倬雲	項斯駿	林佐一	薛一清	陳俊	陳楚錡
胡元珮	胡瑩	翁正春	王兆鼈	朱紳	唐震	蔡景禧
江堪	蔡澍衡	陳翼中	李郁芬	林陳疇	張文為	蔣蔚
陳炳書	陳楚震	胡以仁	張紀垣	胡亮時		

十二日丙申晴氣平天早侯張學憲提覆樂瑞泰諸生
余偕同事諸君在堂識認

覆題

漢高帝命蕭何次律令

論李彬臣表兄蔚文表侄管杏浦胡楚卿均泛舟歸饒

頤真過訪坐談頗久夕提覆水平玉諸生

覆題

叔孫通

徵魯諸生共定朝儀論過楊小玉寓全周曉秋往維新

書莊購來萬國官制志萬國地理志各一冊價洋弘代

蔡作醴張保仁購來鑑撮二冊價洋弘普通新歷史

東萊博議二部均價洋弘歷代史論必宵全周曉秋

文銘過薛玉坡寓是夜月明如晝虛室生白旅舍幽

寂獨坐庭中如參靜禪

十三日丁酉晴氣平在寓全朱榮卿葉文藻坐談過洪
 小峯寓宵發五色新進榜瑞邑縣學進額如舊撥入府
 學者較去年多九名我邑自開闢以來未有如此之多也
 同寓葉君脫榜余認挨保下在列者七人發等弟紅紫
 全蔡紫生葉味蘭在府署開拆諸卷彌封至三下鐘始
 回寓候諸新進來畫長短結花押曉秋相伴徹旦不眠
 十四日戊戌晴午後氣溫過楊小玉寓是年諸新進到
 學填冊開費連老師大為作難蔣屏侯孝廉胡蓉村
 大令約創連合之謀遂破敗其句午後始送冊諸生進
 院堂覆余整衣冠到考棚識認唱保訪張君黼臣亮

道為挨保管竹君喜銀未定其數頗費唇舌幾勞往返
 宵初郭中翔折柬來邀飲席設於福聚園在坐者薛
 玉坡童西園伍梅荃唐亦桐吳伯屏郭漱霞仲翔池小
 榘暨余共九人品味清脆頗覺適口過管竹君處訂定
 其數了句

附錄新生姓名

縣學

陳復
 胡建西
 林佐一
 陳楚囊
 陳衡

蔡鴻
 張組成
 葉士菁
 張文為

楊鏡蓉
 沈嘉績
 薛一清
 金蘊藏

周遇濱
 胡演元
 薛借
 金鴻烈

陳同
 潘壽權
 胡建東
 江肇岷

胡鑫
 曾慶
 江堪
 陳猷

府學

林祝黃
 朱桑
 李燧
 徐秉董

李燧
 唐闔
 蔣洞新
 蔡樹衡

林敏
 項斯駿
 項斯駿

應汝珍
 潘麟
 吳翊

蔡英
 林鏞
 項獎玖

戴鴻藻
 胡亮
 郭威

生

蔣旭

李蟾枝

張秉威

陳鴻鈞

徐光 陳俊

張佐龍

李式璵

胡元翔

胡堂

翁春 朱紳

唐震

蔡景祺

林陳曉

十五日己亥陰雨朝闔屬高等生員暨諸新進往考棚

更衣謝考余偕周曉秋往街市購宮粉等數件為楊

小玉挨保謝儀往管君處一訂即袖交之小玉之尊人紫

玉庭芳先生留余午餐夕訪王星華北藻前輩因薛一

清係渠認保往取謝金至暮始獲英蚊二翼宵偕周曉秋

榴仙昆仲買舟回瑞漏四下始抵家

十六日庚子陰終日在家檢點篋中書本歸藏鄰架

宵眠頗早

十七日辛丑晴終日在家閱中外日報

十八日壬寅晴朝過周眉仙家與薛仲渠彭耀卿榴仙

閒話夕閱中外日報

十九日癸卯晴院試放假之期已滿是日開堂授課宵

全李友推內弟雲苓蘊齋禪菊諸中表往通濟宮觀劇

演洪棟園師所著鵲橋會女中傑曲本也

二十日甲辰晴到堂授課卓午訪葉耕經袖還胡姓

前期借券一紙宵過李子琳表弟家坐談良久歸代

薛仲渠作輓第聯泮芹采罷賦歸來兮最可憐予

季抱疴計七十里水程烟雨塘南同返權池草春生

今絕詠矣更誰慰慈親垂暮過廿四番風信樹護堂北
倍酸心

廿一日乙巳先伯考忌日天早雨旋晴氣溫申刻少雨
到堂授課戴生送來丁田張妹丈函即為覆之前林族
人振獻葉味蘭過訪散學後全彭耀卿周眉仙出永勝
門近郭散步蛙聲如鼓聒耳喧譁宵雨閱中外日報
廿二日丙午雨大氣溫朝到堂宋拱辰新進堂讀書溫
積熟課史學問中國許耶穌教徒自便布教何益何損試一決之問
英法二國發同盟軍其兵數若干問備兵北京及襲同盟軍者何人又
其地何在乙問漢削諸王之地共有幾國問呂氏之變亂者何人定之

者何人迎而立者何王問儒家之外其學約有幾家老子所著何書許若

干言丙問五霸之君何名問宋襄公與何國戰鬥敗于何地問漢三

傑之姓名問誣害戾太子及救其孫者何人問漢文帝景帝政治若何

問項羽與漢中分者何地漢破羽在于何方今之地何名輿地甲問厦

門廣州所屬何省而廣州貼近何口所離之地共若干里到其地最早者

在泰西何國許西歷約若干年繼至者係何國之人天文問月離

地共若干里水火金木土以及地球諸星與日相距其里數幾何夕

文課乙忠奸不兩立說丙讀書宜求進境說宵初

往王玉卿家飲酒王君有選喬之喜故也又過裕生布

庄與姜嶽仙一談是夜尖風極大

廿三日丁未朝陰申雨酉戌大雨氣寒風燥到堂謁
聖休息近午葉味蘭來買舟偕往前林討潤筆之資
震軒妹丈留午飯薄暮返權時天色昏黑兩船相遇畫
槳橫蓬而過舟忽顛簸心為之驚

廿四日戊申霽天氣不暖不涼到堂授課夕明倫堂演
說兩齋甲班諸生往會聽講宵過李麗生表弟家一談
廿五日己酉陰氣寒時當長夏冷猶刺骨天時不正宜
加珍攝到堂授課是日季妹行納采禮遵三舅父遺命
與麗生表弟結婚丁田張震軒妹丈攜其子毓窩來拜
新設筵相款宵雨頗大往彬臣家全管杏浦作贊襄為

其聲玉聯冥婚也

廿六日庚戌雨申時小滿天氣大寒到堂授課卓午軒
兄全窩甥往洪小芸家飲酒小芸親來邀余為館課所
羈辭不去申後偕薛玉坡管杏浦過東北學堂與洪
藻卿金慎三酌議普通學堂津貼經費分潤四隅謁孫
中容先生坐談頗久宵改文課

廿七日辛亥晨雨旋開霽色天氣如昨日積寒未祛近
春初氣候天時不正恐滋人之疾病也到堂授課卓午
往李玉君家飲邀震軒妹丈代改甲班文課薄暮訪
葉耕經為軒兄代購清議報全編葉君又付余一部

余以囊澀金盡辭姑暫留之耕經曰書價緩急不妨陸續付楚心喜得此異書即時取二部攜歸而不覺腕力之疲也實為李蘊齋分饜事全張妹丈在麗生家一談身子困倦伏几睡去歸時漏三下矣

廿八日壬子陰欲霽不霽天氣猶寒到堂溫積熟史學

問蘇秦說六國所至之國孰先孰後舉次序以對 問孫臏滅竈之數

問田子方之對子擊其言若何 問五霸何人居首其間孰業孰為最著

試畧舉以對 問秦始皇滅六國之年數 問漢文帝之世其政治若何 問

經營西南夷帝所使者何人其地于今何屬 問漢征服朝鮮遣之者何人

分郡有幾于今之地何屬 問三皇五帝建都何地在此之年數若干試

分舉以對 丙 問武庚作亂其同叛者何人 問孔子為中牟宰其政治若何

問佛法入中原起于何朝始于何帝 問漢章安順沖諸帝之朝其間

外戚之臣旋用旋謀約有幾人其目為黨人者何人試舉其數 文課 甲

問趙良諫商鞅使果聽之其禍可免否乎 乙 漢武帝論 丙 奸臣論

卓午全張震軒妹文窩甥往李麗生表弟家飲宵神

息洋八元過家毓卿處 談轉舊年借券改期本年

十二月廿七歸趙此款本係乙百數舊年已付過本五十

元本期轉票又付還本十數計本洋四十元十个月息六

元四角歸與軒凡坐話至深夜

廿九日癸丑晴到堂授課近午張妹丈攜窩甥乘舟

歸丁田余贈以銀洋四圓糖果諸色又黃犢壹隻邑俗
凡甥兒來外家者及歸以牛贈之甥女則以猪送贈家家
都用此物以相餽贈竊不解其所謂未能免俗聊復爾爾
亦微較之意也甲文課燕噲以國讓子之論宵往天后宮觀
劇歸鐘十二下矣

三十日甲寅晴到堂授課出乙班文課同學貴和氣說宵

全祥菊麗生兩表弟往西安宮觀劇歸改文課

五月朔日乙卯乍晴乍雨俗語云是日遇雨致生蟲耗到

堂授課正和信局送到日報一封家左髓自滄歸夕諸生

到明倫堂聽演說大約論東三省被俄侵佔士商不服致

電政府又日本開博覽大會主意在此主講者孫中容先

生家左髓延曙門人計是夕開第九會也宵改文課

初二日丙辰晴天氣燥熱始覺屈夏矣到堂溫積熟課

甲史學問合從之約何國創之何國敗之使六國如約不解秦得能滅而

統之否乙問孔門弟子共若干人通六藝者計若干人問五帝居首者

何人建都何地其姓氏若何向帝居首試一一詳之問后羿寒浞篡位之

年數丙問周代何王南巡其得歸否問周武王都于何地其後王所

營者何都令屬何省問東西漢何帝最賢合二漢計若干主國祚共若干

年問九州之分始于何帝州之名若何其後所增者其數若干問虞

夏之樂其名若何問帝嚳共幾妃姓氏若何其所生之子何名丙文

課者戲說

葉耕經送到新民叢報第二十八冊宵小雨在

李玉君表弟家飲節酒

初三日丁巳晴丁期到堂謁聖休息端午節近放假四

天全管竹君往學署領廩膳銀與朱

點衣學師坐談

半日辭出過周小荃處一坐宵初以端陽節設饌祭祖先邀

趙羽儀妹丈同飲李彬臣吳伯屏過訪吳代蔡郭二君說

謝儀蔡澍蘅五數先收四元郭仲裳五數先收二圓均係余

認保也

初四日戊午晴天氣暴熱解拆家中賬務孫宅工人阿喜

來送閨照片一幅係門人孫公俠家贊侯暨左髓皎秋阿愛

黃墩卿 卿貝卿三公子吳璧華其一人不知姓名均作東

國衣裝觀畢即交還作道課

策題問大學格物致知既亡其義

宋儒補之說理甚為精透泰西諸儒於格致極意講求其與宋儒異同

之處安在

白書義題

中天下而立定四海之民君子樂之

申刻成二

藝托鄭君一山抄就寄郡閱中外日報宵倦眠

初五日己未晴熱端陽節朝研硃寫辟蠶符夕錄舊

作詩眉批過趙羽儀家一談宵訪薛仲渠全周眉仙往水

心廟觀品玉班人如牆立熱氣鬱蒸觸鼻難堪遂相與

而返

初六日庚申晴夕空雷不雨全葉味蘭乘舟往前林地方

當刈麥時節野農大覺忙碌無一人相值家晉三遇諸途

遂往其家一談強留午餐却之轉至軒兄家具飯以待張

星階拱宸先生來宵初與族人培吉永吉益木談縣署

門口費用作連交繳伊等推諉學獻管事三漏已下遂

掉舟到莘塍獻竟托為不知余及味蘭聽之不覺忿火中

燒大聲疾呼責其負約且自憾為培吉所誤也漏報五下

忍饑鼓柁而返至白巖橋天色大明矣

初七日辛酉晴熱天氣近庚伏矣假期已滿到堂授課宵

初過李穉菊表弟家一坐出家醞相待關懷對飲不覺大醉

倚椅沈沈而睡三鼓始歸

初八日壬戌朝晴夕雨天氣較昨日畧平到堂授課乙丙二

班增授蒙學課本宵雨止全葉味蘭往天后宮觀劇片

頃遂歸

初九日癸亥晴到堂授課甲文課乙宵改文課

初十日甲子晴熱到堂授課乙文課福福論全管杏浦登

西峴山閣公祭倉聖字祖今年輪值張祝田景藻暨王省

三也席設張家全諸君往飲徐岳樵鏡蓉先生到最晏

李松岑謂近日東國留學生為俄佔東三省之故創設義

勇隊電達政府欲以拒俄且欲政府代籌兵餉無如政府

謂其煽惑人心指為富有票餘黨飭直省督撫嚴密查拿

湖北護督端午橋方繕就咨文遞行各州縣大概主義須
加意嚴緝杜厥亂萌方各后黨帝黨劃如水火盤踞于朝
廷之上有心人抱為國為民之志反為所抑無從措手大局
至斯不知後來成何世界也宵訪李彬臣表兄留飲其
家為表姪女 嬌患疾症全諸君設香案祈禳未能
免俗聊復爾爾噫東甌人信鬼之甚也

十一日乙丑晴熱申後雷雨旋霽到堂授課 丙文課兄
弟貴相和說 改文課宵仍握管改之焚膏繼晷亦古人之
遺意也寫祭武帝胙肉粟 余今年教授蒙學所分教者計
一十五人功課繁劇日不暇給為地方大局計不得不然而不

知精神大覺日退也

十二日丙寅晴熱卯時芒種到堂溫積款

甲 問秦司馬
史學

錯論伐蜀其言若何 問燕昭王築臺招士郭隗請以隗始其為亡乎抑
為國乎孰公孰私試直舉以對 問商之都因何而遷遷凡幾次在于何主

其地何名 乙 問漢武之世征伐匈奴所置凡幾郡係署何名 問呂氏之亂

誅諸呂者何人 丙 問高紂之暴政如何 默歷史一段 甲乙 問臺

濟當明之手擾之者何國佔據者何人係何朝平定試約舉之 丙 問水金

火木土及地球天王海王諸星與日輪相隔其里數若干

項教習志

貞議定班長規條共 則又堂規大綱共十二條細目共

六十二則仿泰西投票式各班議舉正副班長二人左齋

甲乙班薛洋芹夏家鼎陳國賢饒次衡右齋甲乙班徐
自元鄭慶堯丙丁班陳英雄徐自佳楊鴻儒蔡作湘西堂
甲班薛允濬鍾斗每班正副各付比較簿一冊以便記錄
功過諸生凡得大過五次降班亦立監佐史之意也宵趙羽儀妹
丈來招飲為其門生唐福榮前月借端捏控目無師長榮
之親族出為調停設酒謝罪在座者均唐家昆仲也歸
時漏三下矣寫祭關帝壽誕祝文是夜各官僚致祭
關聖邊國琳表弟到廟排設豆品

十三日下邗晴熱丁期謁聖休息在家改文課項志貞
以昨日所定條規囑薛君仲渠書之于版懸諸座右宵初

正和信局送到日報一封訪葉耕經為受周榴仙購清議報
全編之托也是夜精神疲極不堪久坐

十四日戊辰晴熱早起改甲班文課寫函遞張震軒妹丈
暨族人學獻遣阿旺送之到堂授課丙文課有恥說前林

永吉來謂林曝農大令丁內報卸篆富純乘機覓保今
晚脫押矣薄暮葉味蘭過訪宵閱日報

十五日己巳陰晴不定氣似溫已晴到堂授課夕開演說
第十會西北教習項志貞薛仲渠率學生到會聽講余
改課不去薄暮大風雷電少雨宵為前林族人門口鬧費
屢次爽約不來全葉味蘭阿旺欲買舟往莘塍學獻處

行近東郊大雨驟至斯時雨具未備坐酒店避之陡聞
雷震一聲簷溜如瀉一更許始止為時已遲不及往遂
歸

十六日庚午陰氣涼午後申初雨到堂授課聞人傳說
昨夜雷電交作隔岸中洲地方有被霹靂震死矣宵
改諸生日記

十七日辛未朝雨罷午前似霽到堂授課丙拚文薄暮
雨袖英趺八翼訪葉耕經取來清議報共十一冊因受周
榴仙之托代為一購宵送書至其家清談至鐘十二下而歸
夜雨息

十八日壬申朝有霽意氣畧温夕晴到堂授課甲致問

問趙主父始以英毅自命終不免死于沙邱或曰其得禍也因廢章立和之故
其說然否。問廣蘭二人一以口舌勝一以戰伐勝合彼此相較孰為優試一決

之問夏商周音樂何名彼此共傳錢主享國計若干年試條舉以對問周
家歷傳之祖試詳其名 文課 楚懷王論 宵在潘紫霞家飲米

芹酒設二席在坐者吳伯屏伍梅荃蔣滌泉友龍叔侄
彭蓉仙李漱梅幼梅昆仲項志貞雲苓表弟及余也席
散過薛仲渠家看諸人打鞦韆歸時鐘十二下夜涼

十九日癸酉霽未定午乙後晴定風寒到堂授課乙 史學
致問 問漢高之內政若何 問漢武遺將征討匈奴所畧何地所置之郡

何名共幾郡試一答之 問景帝之世諸王之反其起事者始于何國通謀者共
幾國至其謀逆果屬真心手抑為激而成之手試詳言之 宵初全葉味
蘭買小舟到莘滕族人學獻處遇之責其前日所訂門政
押費何忽負約切身之事反置之度外也前林與丁
田密通議往張妹丈家一談遂邀學獻全過前林招
族人煥東阿蒙景祥至坐話良久漏聲三下始約下
浣四日如數交繳震軒留夜飯乘駕舟有事赴郡余
亦全葉君返舟抵家天光向曙
二十日甲戌陰晴不定氣寒到堂授課 丙改問 問孔
聖誕生在于何朝并詳其年月 問向踐會稽之敗其後治政若

何乙

文課

打鞦韆說

是日堂中新設鞦韆之架諸生好

弄讀書頗不留心薄暮精神困頓疲倦異常伏枕高
眠至天曙始覺近日為堂中功課太繁冗說書改課何
日無之且分教者一十五人昔仲由氏事有所聞未之能
行唯恐再及余於功課隨時披閱稍為縱之即繁積
矣仲氏其殆同心乎雖然馬齒日長學業無成家政紛
紜心思分用奈何奈何

廿一日乙亥朝晴夕大雨如注平地水深尺餘河池溪漲

為之一滿到堂授課 甲

改問

問樂羊攻中山甘茂攻宜陽樂

毅攻即墨或拔或不拔何以不同如是試言其故 問牛莊臺灣

芝罘汕頭九江漢口在何省分吏屬何方而牛莊貼近係何營口

問虞芮二君爭田連年不解後忽兩相推讓試明其故 甲 課題

秦始皇銷兵器論 接到信局日報一封宵閱中外日報

夜起改削文課

廿二日丙子陰晴不定時有雨點到堂授課 乙 改問

問春秋之強國存者有幾其中同姓異姓者若干國均須詳其國

名 問佛教之入中國始于何朝何帝其佛教宗祖何人居于何國試

舉以對 問漢明帝章帝之治政如何 改文課隔鄰趙湖舟

雲發 把戎作古矣宵訪鄭一山過李玉君表弟家謁舅

母坐談頗久葉耕經送到新民叢報第二十九冊

廿三日丁丑陰旋霽率諸生謁 聖休息錄舊作過羽

儀家一談宵邊鄭一山來代寫趙把戎銘旌二漏去閱中

外日報

廿四日戊寅朝雨到堂授課夕放假是日西北惠民倉

開糶倉穀計得英洋三百餘元薄暮過李玉君表弟

家一談宵閱中外日報

廿五日己卯晴定氣和始聞蟬聲是日堂中糶穀未了

台京糶出獲英洋一百餘元早穀每元計計斤獲英洋乙百多元 東

西兩堂再放假一日左右二齋依然授課增左傳一門內

文課 不勤學之害說 宵閱中外日報大阪朝日新聞云

中俄兩國交涉其外者為俄國公使其內者為華俄銀行總辦樸科第凡遇事件先由樸君與內宮密議再由公使與我國外務部相通樸君所親交者惟李連英與之來往不在京中恐有事情漏洩故常至雍和宮與白雲觀相晤其緊要事件未由外務部奏聞之前已先電告俄京噫以寺人而與外官相親更遇要事先為相議私室而後達聞朝廷國家用此佞臣其不亡不弱何待昔寺人貂多魚之漏今之李賊豈有異乎

廿六日庚辰晴熱疎雨數點在堂授課 乙 改問 問漢宣帝時征西域者其將何人所計平者何國於何地而置屬國至其始設都

護為之者何人居於何地鎮守南北者計若干國試詳列之 問章和安

順諸帝之世其宦官及外戚何人最著又宦官封侯者共幾人 乙 文課

宣聖與耶穌二教輕重論 是日倉穀早白出糶計得三十

餘元宵閱中外日報改文課

廿七日辛巳晴天氣酷熱子時夏至在堂授課 丙 改問

問漢獻帝時作亂者何人 問曹魏孫吳二國共幾主 問雨露

雲霧何氣而成 丙 文課 日長說 薄暮承友人書扇之

托袖紈扇捐扇各一訪鄭一山乞為書之義兒閱樽能

學步見之心喜宵閱中外日報改文課夜雨

廿八日壬午朝熱陰午後大雨氣涼到堂授課 甲 改問

問長平之敗論者皆歸咎於平原貪心所致然否 問信陵君竊符
救趙其是非何如 問相如勇於秦而怯于頗其故何歟 問昭王乘
膠舟渡漢舟解溺死漢為楚地或謂楚人造舟進王因而害之然否
張震軒妹丈來薄暮返權正和信局送到中外日報
一封宵批銓閱之
廿九日癸未朝晴夕雨氣寒衣穿單裕夏行秋令莫
此為甚到堂授課 乙 改問 問夏殷周建學之名 問匈奴以
西諸國或大最著名者共有幾國并詳其國名 問王莽篡
漢計若干年昆陽之戰係何人破之其時豪傑競起共幾人試約
舉以對宵閱中外日報改甲班日記

閏五月朔日甲申雨氣寒着棉衣遣同學買楊梅一
簍送贈丁田張妹丈到堂授課 丙 改問 問赤壁之戰何國

合兵破魏其將何人 問東西晉共幾主計年若干 問懷愍繼位者何
帝其輔佐中興者何相 問齊後主所寵之妃何名其平日政事如何

葉耕經遣其仲弟雲村送到新民叢報第三十冊開演
說第十一會阻雨不赴宵閱中外日報夜雨止

初二日乙酉晴定氣寒似春初節候天時不正恐伏
陰之病後日必發矣到堂授課 甲 改問 問呂不韋善處人

於母子之間其居心果何等乎論者謂其非直夫賈蓋大盜也然否 問
幽王媚笑寢如戲舉烽火為犬戎所困舉烽火勤王之兵不至於此其

有悔心否 問遼東北灣沿岸何州最多嶋嶼其最著者幾嶋其嶋

何名 問渤海在中國沿海之何部及在各省之何方何部其里數長

濶若干 午刻義兒漁文送楊梅來夕文課 甲 魯仲連不

肯帝秦論 乙 看龍舟與讀書二者孰樂論 丙 禁龍舟說

聞雲苓表弟之夫人姜氏近染疫氣邑俗染此疾者皆謂

五通神作祟須備牲醴以禳之方能平安噫未能免俗耶

復爾爾封禪書謂東甌之人尚鬼信然薄暮過李玉君

家一坐宵改文課

初三日丙戌晴旋陰趙羽儀妹丈送楊梅來朝到堂授

課 乙 攷問 問楚懷王與諸將所約其言何如 問沛公項羽先後入秦

咸陽孰仁孰暴試一決之 問天下四大鎮之一其地何名所屬何省且為水

道之總匯其水流入何江 代李玉君改易輓邱翼臣先生聯梓

舍忝同盟欣偕哲嗣叨陪時挹風清親杖履 蒲觴纔

罷飲報道先生歸去不堪花落遍江城夕以閨端陽節

近議定放假三日作控陳慶瀛盜葬呈詞并抄就交王

玉卿之弟子蓋截投遞聞唐令以禁止龍舟親往莘塍彈

壓故不登堂親收薄暮過岳家宵全李友樵內弟往南

門外陳府廟觀劇鄭一山葉耕經雲村昆仲均在維時

江潮初長路為水所阻不得行迨潮退歸家鐘十二下

矣挑燈改文課

初四日丁亥晴旋陰朝丁期謁聖休息夕全管君杏浦
各買一舟偕左右齋諸生至質當橋者龍舟周眉仙彭
耀卿潘紫璜與馬孫中閩公子暨其子延曙延春韻蕙
韻美亦乘小舟往觀與之相遇申後遇雨返權而歸閱
中外日報

初五日戊子大雨終日朝作硃字聯語貼諸大門人贊
舒長逢夏至天教節序展端陽蓋紀閏端午節也僕
人李安全送楊梅來阻雨不出門閱中外日報宵仍
挑燈披閱

初六日己丑大雨終日到堂授課 乙 改問 問春時感振北

方者其國何名在周之時舊名若何為今之人種屬在何國始皇遣何將
征之兵數若干又所收之地今屬何省其所行何事試畧舉之 丙 文課
仁君暴君說 宵閱中外日報

初七日庚寅雨近午稍霽到堂授課 乙 文課 讀書
與閱報教重說 薄暮過趙村儀妹丈家省視妹疾以
前日腹痛患瀉之故又往岳家為泰山失足顛仆恐致
傷破故問之宵開夜課館來讀者項棣生虞廷光
徐自元蔡作醴宋拱宸共五人

初八日辛卯乍晴乍雨 到堂授課 丙 改問 問吳王虜
句踐越王殺夫差其事若何 問蘇秦張儀商鞅在于戰國時

代有何所行之事

文課

亡國由于婦人說

宵改課卷

初九日壬辰乍陰乍雨天氣沈悶到堂授課

甲

問李斯諫逐客其公私何在

問鄭莊公殺段其是非何在

問中國之山脈約分幾道在于何處者為何山脈試分指之

聞許君寶錢謂余

前作道課名列案首心頗欣喜宵霽見月改諸生日記

初十日癸巳天早晴旋陰午後乍陰乍雨到堂授課

乙致問 問五霸功業之最著者何人及其主義如何能答之否

問封建時代與郡縣時代有分別否 問世襲始于何代何主

問帝舜有何所行之事 問漢武帝有何事業 正和信局送

到張震軒兄在郡所寄函中叙及近日阻雨在周仲明

熙海處全項慎初葆楨張儀夫秉威繙譯東文頗有

門徑宵改課卷

十一日甲午陰雲不解乍雨乍晴氣又加寒時當盛

暑身猶裝綿天時不正莫此為甚到堂授課

丙

問商大戊武丁之賢相何名 問周始封之祖 問武王伐紂所會者約

若干國 問夏商周自興至亡共若干主計若干年 問伍子胥奔吳

有何所行之事 問孔子仕魯其國大治未幾去魯因何事而去其知之

否 問除肉刑者何帝 問起兵春陵者何人 問秦始皇有何行政

詳為叙之 問漢三傑之姓名

乙而課題 好鬼神說 薄暮

項棣生上郡省親宵周榴仙來訪邀余向葉耕經處
取清議報下集五冊約以明日往取

甲 二百乙未陰雲不解細雨霏霏頗覺愜人到堂授課

甲 攷問 問崑崙山脈向東而阻遂分為二所分之處為何之山與何

境界試一明之 問崑崙山脈四端所越之處其地何名所向之處為何

山脈又所入何境 問黑龍江之支流其江何名發源之境何方與何江

相合其外黑龍江之上方有幾河其諸水何名而發源亦在其內否

問王剪伐楚必以美田宅為請其用意與攻宜陽者之意相合否

甲 課題 文事與武備孰重論 吳伯屏送到新世界學報

共六冊續舊歲第九冊也薄暮遣僕往葉耕經處取

來清議報共三份計十五本分一份送文周榴仙宵改課

十三日丙申陰乍晴乍雨到堂授課 乙 攷問 問呂氏之

變如何 問光武之中興如何 問明帝章帝之治政如何 問三國

之建都何地其所屬者有幾州 問東漢之亡如何 改文課薄

暮往李岳丈家一譚宵改削課卷

十四日丁酉申時小暑大晴天氣較昨稍溫風信為之一

轉謁 聖休息趙羽儀妹丈李友樵內弟過訪午後全

薛仲渠周眉仙項志貞攜枏枰兩兒往城隍廟遊玩

是日合社諸君為城隍神重慶懸燈演劇以迓神麻

士女遊觀頗有肩摩轂擊之象頃之與周薛項三人

相失遂挈二兒而歸過李王君表弟處一談舅母贈以
二李又訪李雲苓表弟語及家中近日沾染疫氣大為
困頓余慰以數語薄暮始返宵因倦異常授諸生課
頗草草

十五日戊戌晴旋陰到堂授課作函遞震軒妹丈暨族
人學獻丙攷問問孫堅之二子何名問魏改姓始于何主并詳

其所改之姓問梁武有何所行之事與陳武相合否問北朝不
尚佛教者若幾君試列其國號及名問陳文帝政治如何問

陰陽二字有異義否問年歲二字有異處否問雷與霆其

義有分別否諸生到明倫堂聽演說計開第十一會也全

彭薛項諸君到會主講者宋左髓項慎初吳伯屏薛

玉坡許君鈺孫公權及各隅蒙學諸生也惟洪五平錦

驥因到會之人妄為訛笑即登堂向眾拍案呵責言語

太涉激烈獨不思演說一舉原為廣開民智任人譏彈

苟以人之笑罵而遽為呵斥豈立演說會之宗旨乎如洪

君者可謂不解事者矣宵閱新世界學報夜雨

十六日己亥晨大雨午後少霽到堂授課甲攷問問荆

軻張良均以擊刺秦王為心然二人之生死不同試言其故問王綰請秦王

立諸王以鎮遠地李斯諫以不便二人是非試為一決問鄢陵戰勝之後范

文子使祝宗祈死文子所存何心試明其故問張良狙擊秦王其為私乎

抑為公乎試一辨之

改文課薄暮仍雨宵周眉仙李彬臣過訪

惟眉仙去最晏

十七日庚子陰寒如昨但無雨耳到堂授課

乙 改問 問三

國中何國何帝為正統繼東漢後其世系若何試為詳之 問董卓

曹操均以行廢為心二人積惡有輕重否 族人學獻阿蒙采薄

暮雨宵初周榴仙過訪談頃去

十八日辛丑晴熱到堂授課

丙 改問 問周召行政為何時代

問九州之名并詳今所屬之地 問商周之始祖何名 問清所定五刑之

條如何

文課

習武說

乙補問

問西漢之亡或謂亡于外戚東漢

之亡或謂由于宦官其說然否

薄暮為前林盜賣養田之事

托葉味蘭作呈詞投署且前日張姓捏名箠控不得不

邀族長構詞以剖之也宵雨勢傾盆閱一時許始定

十九日壬寅晴熱夕雨到堂授課

甲 改問 問入西方亞細

亞者為何山脈其間所越所向者共有幾山 問支那本部著名者有幾

河其發源在于何處并為詳之 此節與東亞地志參看 問蒙古之北有

何大河與江及其支流之江何名又發源何處與何江合至于諸水之名併

為詳之 問滕薛二君爭長魯侯從中解之其言以滕為長說近偏否

文課

穎考叔茅焦合論

正和局送到中外日報一束共廿紙

接到張震軒妹丈函宵雨改文課

二十日癸卯晴熱到堂授課

乙 改問

問篡曹魏者係於何人

問入吳建業係晉代何主命其將何人 問八王之亂孰先孰後試為

詳之 問晉人之清談主于何說 夕家左髓許養頤為東三省

中俄簽約之事開特別演說合邑學堂諸生皆赴會聽

講余獨在堂改課宵夫雷雨閱中外日報

廿一日甲辰陰日暫見氣和到堂授課 丙 改問 問隋文

帝伐陳所遣何將共幾人執其君在于何地 問隋伐陳陳之君臣有

何所言 問東魏孝靜讓位有何所誦之言 問陳設義倉之法雖主自

隋文其法若何做戰國何人 問伏臘二字之義 問古今之歷法若

何夕 乙 丙 拚文薄暮疎雨宵改課卷

廿二日乙巳晴熱天早作府課 題 漢武帝元光五年徵吏民

有明當世之務習先聖之術者懸次續食令與計備論 未成篇到堂

授課午後續作之托鄭一山兄抄繳 甲 改問 問孟嘗信陵

平原春申此四君中孰優孰劣能折之否 問廉頗李牧均趙名將

使趙終不見棄其能免于滅亡否 問分亞洲大陸為五部試舉其目

并著明方向及所屬之地 夕雷無雨 乙 丙 拚文寫函寄張震

軒妹丈宵改課卷

廿三日丙午晴天氣酷熱近三伏節候此為合耳到堂

授課 乙 改問 問始皇分天下為郡縣所設何官 問匈奴為何

國之種 擬王莽傳畧 甲 文課 東三省簽約利害論 宵改課

廿四日丁未晴熱早晨謁 聖休息在家假寐半日閱清

議報第一集薄暮葉耕經來付交書價鷹洋二元宵周
眉仙過談今日酌議改良係薛仲渠一人播弄其間且謂
余提甲班生開夜課館實存私見也一時忿火中燒先
為諸生停課過周榴仙管杏浦二君處一談

廿五日戊申晴熱在堂大放厥詞深責項志貞昨日懸牌
改良太為專制過吳伯屏館談恨事甚久過李玉君表
弟家一談訪趙羽儀宵韞齋表兄來全往李彬臣處一坐
廿六日己酉晴熱朝過周眉仙處一談探問學堂改良消
息時饒頤真在郡薛玉坡遞函招之意欲改丁期為星期
舊歲創設學堂各隅皆以星期為休沐日而西北則定以

丁期逢丁日謁聖休息以為奉孔子教也今欲改之下喬
木而入幽谷誰之咎乎嗚呼聖學不昌皆由此輩壞之
也夕閱譚瀏陽仁學宵李彬臣表兄至談論頗久

廿七日庚戌晴熱初伏閱經餘必讀夕往西北學堂公
議改良謂饒頤真為發起人先為一決饒曰西北教課實
壞于管林二教習前之各教習先行辭退再作計較薛公覺
項志貞以少年志氣從旁附和余心憤甚不免大聲疾呼
管周二君又為不平彼此交爭遂相與一鬩而散薄暮葉
耕經遣人送來地學淺釋共四冊并其近作詩四絕宵訪鄭
一山談項歸閱易經注疏暨策府統宗

廿八日辛亥晴熱作玉尺經古論

題易緯有太易太初太始太素

即學以太極點原質之義論

至暮脫稿是日陶大殿衆議交董事

接管正蔡見龍副則李君聲玉也宵訪管杏浦周眉仙榴
仙二昆仲在馬坐談西北學堂破壞之由以薛仲渠公覺二
人為罪之魁竊恐一經決裂日後難為完全也

廿九日壬子晴熱丁川張震軒妹夫來薄暮返舟宵過
李彬臣表兄處坐話至夜

六月朔日癸丑晴熱已時大暑朝周榴仙過訪謂學堂有
完全之局午刻全諸人往陶大殿飲交衆酒倉董憑神面
交明年值管鄭小谷管杏浦徐昭甫楊潤谷四君也夕李雲

林表弟周君眉仙來談是日明倫堂開演說第十二會鏡
頤真登臺演說專謂西北學堂教課被諸教習貽誤年
餘周曉秋從旁聽之中心不平大為伸辨噫創演說之會以
合羣為主義開通民智激發人心乃饒氏不知竟蹈攻擊
之愆詩曰貪人敗類頤真非演說會中之敗類乎社會諸
君亦願鳴鼓而攻之否宵閱明通鑑訪管杏浦不遇鐘十
二下吳伯屏薛玉坡周曉秋姜嶽仙來叩門以學堂議有
定局遷余再作出山之用也談頃去

初二日甲寅晴閱地學淺釋改業耕經七絕四章

題地學

疆石 余亦成七言古風一章過周曉秋處坐談是日瑞賓

興議交西北紳士接管者周榴仙吳伯屏薛玉坡胡魯卿
四人也陳丹卿表弟來託余代辦錄科文書宵增注地學
詩計數百餘字而篇幅頗長

詠地學彊石

乾坤鑿破始盤古地質堅凝石與土精微英美窮其原編作
地學家之譜地學淺釋一書論彊石源流最詳原文為英雷俠兒所撰譯之

者為美瑪高溫達之者則金匱華衡考也

生物化為彊石形此中撮合誰

作主養淡炭輕得氣多砂泥化石石不語

生物在空氣中腐爛則

消化而復其元質大約為養氣淡氣輕氣及炭所化環球雄視列五洲

千年土化精華聚平陸江海合川湖山之隈兮水之澗石根

蟠屈古與新鍊之不勞女媧補物類種種印塵砂掘地視之

石可數或近長江齧蝕深或傍火山氣噴吐或經熱變見真

形或因鎔結石乳

石有四大類一曰水層石二曰火山石三曰鎔結石四曰熱變石

水氣鹹淡吸受多有如柱礎潤占雨物產蛻化妙無窮譬諸

驪珠蘊江浦中含異狀莫可名斜疊層層見端緒無論上下與

淺深古物琢削未經斧彼此比較多分明珊瑚螺蛤皆精英

蟲蛇鳥獸天然質恒留枯殼宛如生紅海之邊白灰白百千

種類都縱橫先後物化不同轍得氣奚辨濁與清

紅海邊四十

尺高處遇白灰層其中有數百種螺蛤彊石與奈不爾斯火山灰層中之彊

石頗異亦地土不同也

遠近之期洵有定石膏灰炭孕其精新者

又新舊者舊物隨時代驗枯榮波浪紋中泥和石縈迴周折多不平况復植物因沈積逐層厚薄非一格中有一種白砂層古色古香如刻畫法蘭西哀末式地地方遇有白砂層其厚積四百尺左右

中留草木之迹一見瞭然子葉相向縷縷紋背陰古草疤痕碧白砂層中遇有二百餘種植物形迹以年久積聚其子及葉皆成矐石用顯

微鏡察之見細筋微縷紋理如生苑枯開落自有時入地厚凝數百尺

前為大陸今江河山川陵谷更相易人言鬆粒泥砂微一經壓力

併為石地學家云譬若筆中之鉛其質為炭碎以成粉微則微矣苟以千噸

重器壓之其中無一點空氣透入則能并為一塊矐石之在地中其理同然白紅

藍綠色色分內外形模本一脈地學家云殼外之泥如殼之外模殼內之

泥如殼之內模是內外之形大有絕然各異而不知同歸一物使人不常見直將

疑一為兩矣銅鐵刀期判後前石刀又見瑞西宅瑞西湖層古屋中

藏有石刀有人掘地見之可知古人先時作用之器古人頭骨與今殊昔

日防風留遺跡地學家云北方之地得古石櫛中有古人頭骨觀其形式與

今人不同古之頭小而圓量其腦骨之角度較多於今

人物軀殼肖圖形

魂靈四散存體魄來約斯層中有蟲蛇及草木之矐石英法巧描地

理圖名烏來脫能剖析英吉利法蘭西有烏來脫地理圖一說烏來脫

魚子也有一種灰石細粒如魚子故以烏來脫名之英法二國兩處之山有泥層與

灰石相間積疊故有上中下三層人欲採之致由來凹凸極線交其脊

地學家以凹凸兩極綫為最要因有此綫即知石層橫亘方向及左右石層

鈞稽精核詩筆亦清
震軒
氣息莊雅注亦詳贍
仲安先生

深淺故也扶輿泝氣溢兩間試問混沌何年闢人身一粟在太
倉地壳還真富積藏流質定質有堅軟窮源竟委須周詳
泰西羣通地理學鑿山測海術精良火車輪舶走瞬息大
勝飛僊縮地方更知物物全球寄終古剖判參元黃十二分層
石不壞格致創說豈荒唐寒熱燥溼漲縮歷幾塵劫改滄
桑沙磧沈鬱窮八極波流決泮界洲洋金石煤鐵蓄寶氣
辦之不爽判毫芒閱世何啻幾千萬與億自古及今天造地
設一語破洪荒

初三日乙卯晴熱過周曉秋處作竟日談管杏浦彭耀卿
在焉宵閱中外日報

初四日丙辰晴熱葉耕經送來新民叢報第三十一冊午後泛
舟往丁田張震軒妹丈處宵與軒兄坐談至夜

初五日丁巳晴熱坐殿隱園錄近作論遠軒兄一改宵與
族人晉三坐談良久

初六日戊午晴旋陰夕疎雨在殿隱園錄近作詩邀軒兄
一削無一字可易宵與族人坐談頗久

初七日己未朝晴旋陰小雨買舟全震軒妹丈歸家午刻東
北風起陣雨時作時止訪周榴仙探問明日開設學堂定何
教課余君松舫來訪坐談半日并歎近日學堂氣習各省大
小大概如斯也薄暮軒兄返權宵閱中外日報

初八日庚申陰雨朝項志貞薛仲渠創議改良章程招諸生到堂聽講演其說者吳伯屏也夕伍寶滋表弟來見其形容憔悴問之始知伊弟

惋惜者久之宵閱中外日報

於初六日過暴疾而亡代為

初九日辛酉雨大風到堂謁聖諸生陸續來謁近午歸家抄玉尺經古論一篇宵閱中外日報夜深風猶未定

初十日壬戌風定大晴天氣酷熱朝抄玉尺經古言古風一篇午後訪鄭一山袖所作一觀其尊人送為代繳李禕菊表弟過訪薄暮大雷雨至鐘十二下時始止

十一日癸亥晴熱西北蒙學開堂係改良第一次也管杏浦項

志貞周榴仙增請虞樸真

廷愷均輪班司教余與二彭蓉仙

耀卿則為專課司教內教督周眉仙專司功過并字課外教

督薛仲渠專司起居也申後散學過趙羽儀家一譚宵代鄭

峻甫

綺巖

老伯作六十壽言草草塞責至四鼓脫稿

十二日甲子晴熱到堂授課午刻訪鄭一山託其騰昨作壽叙

轉呈乃兄小谷先生一削許養頤

壬

在焉宵過李麗生表弟

家與韞齋玉君昆仲露坐清談麗生出瓜李相餉三鼓歸

十三日乙丑晴熱到堂授課宵過鄭一山處坐談良久

十四日丙寅雨晴不定東北風大起恐有颶母之災到堂授課

接到孫君仲闔處舊年所缺新民叢報第十六冊趙璧之完

心為誌喜宵在李玉君表弟家嘗新與王夔拊同席

十五日丁卯雨南風極大到堂授課午後張震軒妹丈遣福錦伯送蝸蟬來作書覆之并備試新肴饌為諸甥兒朵頤之需開演說第十三會諸生到明倫堂聽講宵設席嘗新選趙羽儀妹丈周元來李麗生穉菊玉君三表弟渙文義兒均全席三鼓始散是夜四鼓族人阿學陟患腹瀉余驚而起遂出門避穉菊診視據說傷係腎氣可無他虞余心遂定十六日戊辰朝雨夕晴風定暑氣蒸溼到堂授課遣阿學歸家養痾宵困倦異常眠息甚早

十七日己巳晴熱丑時立秋星期休息作道決科

四書義益題

均無貧和無寡安無傾義

經義題

通其變使民不倦神而化之使民宜之易

窮則變變則通通則久義

至午二藝均脫稿交鄭君一山抄繳過

李玉君表弟處暨趙羽儀妹丈處小坐一談薄暮聞雷無

雨宵往李彬臣表兄處嘗新席散露坐月下談至三鼓而歸

十八日庚午晴熱未伏到堂授課彭荅仙先生辭席其分教

之學生已曠課三日薛公覺欲將其徒一分與彭君耀卿一分

歸余而中間有二三稍勝者提歸丁班中心大為不平尚未之

允薄暮丁田福錦伯來宵月明如晝眠息頗早

十九日辛未晴熱告假不到堂閱中外日報聞此躺輪舡已到正和局諸報均未送來遂往問之其人竟如流水桃花香然

去矣詢之比鄰謂店主人廡空倒閉已計三日聞之憾甚宵初招
瞽人唱詞以長妹昔年在自家觀音大士前祈保子息今日為大士
誕期備酒果以償之合家坐聽至三點鐘始寐

二十日壬申晴熱告假不到堂閱新民叢報丁田福錦伯歸
宵過趙羽儀家因仲妹近患腹瀉奉母命往問轉過李麗生處談
廿一日癸酉晴熱到堂授課午後西風搖樹其聲頗勁意颺母
將施威矣宵過趙羽儀家問妹做恙尚未消淨談頃即歸
廿二日甲戌早晨出門北風猶和往李麗生表弟家一談至
乙刻風自東北來其勢極大搖窗撼壁雨如傾盆此步不得
歸麗生留午飯申刻風定始還家宵天氣暴涼倚枕睡去沈

沈入夢幾不知是蝶與周矣

廿三日乙亥晴熱到堂授課宵往姜薇仙家與周眉仙李銘
之坐談殘月東上始歸

廿四日丙子晴熱星期休息朝啟篋取書見紙生蠹祛塵
卻掃者半日夕南岸佃戶陳友珍送租來邀渠修葺後
園瓜棚余亦收拾殘枝芟雜徑草不覺予手之拮据已
山人謝學銀來謂仲弟厝屋為風破壞殆盡取錢購稻
草以補綴之聞唐

大令植仁

卸篆王

大令廷樞於

是日丑刻接任王曾署滄安篆政聲頗噪係乙酉舉人
亦有志維新者今為吾邑之宰其亦幸已薄暮趙羽儀

妹丈暨全族成良公未嘗深族人毓卿增柁來因日前陳
小玉率人到九坦山擇地計有數次恐復生枝節相約明
朝登山閱視兼省祖先墓也

廿五日丁丑晴熱早辰偕毓卿增柁昌登九坦山省先
人墓山家留午餐園肴野蔌頗覺適口過前翰謁草窠
公墓此地山場頗廣數十年前被族中不肖子孫盜賣二
穴墳地一歸南堤項姓係薛恭人墓一歸洪姓係洪叙堂
守彝大令墓我族祖反葬在外姓塚後噫滄海桑田有時
變易我族姓當宋元之代簪纓鼎盛駟馬門高今何衰弱
若此加以孫子不能象賢變賣田土有玷家風吁可悲已

余乃循山徑而行越數重山始抵謝鼻祠昌曰二世叔祖懿
仲公墓聞墓於此余聆之欣然披榛附葛登山尋覓竟涉
子虛惟有皇宋知閣門事鄉賢謝公佃之墓在焉瞻拜松
楸肅然起敬聞此山前歸謝家後因南門林姓偷葬侵佔山
地遂改名林宅山今族祖遺墓存有數穴夕陽西下全諸人
下山沿江緩步由永勝門而入山人學銀則越南岳而歸矣
斯時足力之疲不可言狀薄暮麗生表弟贈余西瓜一半宵
過成良公家一談

廿六日戊寅天早少雨虹見旋晴 皇上萬壽停課一日
在家錄舊詩申後吳伯屏周眉仙過訪伯屏言及適

來世風日下師弟薄情莫此為甚即如鄙人本年館諸
項哲卿家其弟從余遊已三年矣今年入泮得力於余良
多年尚幼穉屢詆余無學問試問本科博得青衿其獲
諸命運乎抑受教導以成之乎余曰今之受業為達蒙者不
少我輩舍己芸人有何裨益子言及此僕固於斯道閱歷久
矣雖然昇之見殺于達蒙蒙固罪不容誅昇所教非人亦不
得辭以無罪余與子殆有同憐者耶宵閱杜詩詳註

廿七日己卯大風又起響雷終日風止而雨勢如傾盆矣河
渠水滿與岸相平到堂授課葉味蘭過訪謂本日開考
代書邀余代作以學堂鐘點迫促辭之薄暮訪鄭一山過葉

雲村僚婿宵大雨徹旦

廿八日庚辰大風暴雨崇朝不止午後畧定是日李妹行
聘定禮以麗生為中表至親禮物囑為減省李穉菊來留
飲校舊作詩宵風伯告退而大雨滂沱徹夜不休街衢積
潦幾成澤國想沿江而居者不免為靈均招去矣

廿九日辛巳朝陰夕晴道路阻流行人息水往來皆沒踝
矣余不得到堂在家錄舊作詩終日遣阿極往丁田送茶
果於妹家宵閱中外日報

三十日壬午晴熱到堂授課薄暮訪鄭一山宵過李麗生
表弟家一談

七月朔日癸未晴到堂謁 聖星期休息仲弟忌日朝訪
鄭一山卓午泛舟往丁田張震軒妹夫家袖前日所作壽序
邊為一改至暮返權是日乘舟而行但見塘河水溢高與岸
平沿湖田園均遭淹沒殊切望歲之憂焉開演說第十四會
余因下鄉訪親不去宵倦眠息頗早

初二日甲申晴熱酉時處暑到堂授課午刻謁洪棟園師
不值錄前所作壽言宵初袖洪師改削坐談良久過李麗生
表弟家一談

初三日乙酉天早虹見雨旋止邊族人增相赴銅乾收租到
堂授課午刻潘君餘善折柬邀飲席設周小苓先生家在

座者戴蓮舫小苓幼仙昆仲也作控陳小玉盜墓呈詞葉味蘭
來邊渠代作前林盜賣養田呈詞余畧加點綴均一手抄就
薄暮投署是日放告王邑尊公出糧廳代收宵訪鄭君一山
不遇洪棟園師遣伴送到辦文費墨圓英洋二元

初四日丙戌晴熱天早雷到堂授課聞客歲霍亂之症又
起西門外竹排頭地方患此症者今日已斃五人矣余獲人
言中心滋懼午刻訪鄭一山宵錄十九世紀大事表

初五日丁亥晴熱河干之水漸退到堂授課錄十九世紀大
事表福潤局送到中外日報一封報章計隔二十餘日均未寫
目以正和信局虧空倒閉故也薄暮過穉菊家一談李彬臣

表兄來訪宵雨倦甚倚枕倦眠

初六日戊子朝陰夕雨到堂授課張震軒妹夫來宵錄十九世紀大事表代族人成良公抄祭車文

初七日己丑晴熱請假不到堂往家成良公為族祖母陳氏孺人送葬至北門而返衛房聖母誕日懸燈演劇大覺熱鬧近午往宮中拜福值祭者洪君曉村也葉耕經送到新民叢報第三十二冊薄暮雨宵初偕姜泮藻往曉村家飲福同席者管仲凌丹三金鍊百李彬臣表兄鍾文表侄洪君及余計八人席散鐘十下矣是夜白虹橫天大雨如注七夕見虹俗名七水蟹不知是何祥異也

初八日庚寅陰雨不定星期休息同人為秋試赴省期近到堂定議放假二閱月以明日為始過李玉君處聞雲苓在家養病故往探問其女

嬌患虛弱之症十分沈重適張竹卿醫士來診謂其病入膏肓不可救藥勉下桂附鹿茸數味投之宵大雨在穉菊表第家飲酒全席管杏浦家毓卿玉君麗生二表弟鍾文表侄共七人

初九日辛卯陰朝李彰臣表兄來訪夕過衛房宮觀劇聞表姪女 嬌于今晨天逝矣宵往雲苓家一唁

初十日壬辰晴疎雨洪棟園師遣伴送還前作壽序斧削之下一閱頓覺開我茅塞也閱中外日報中載廿六日沈蕙蓋談華

命為慶寬吳式釗所訐慶吳二人係沈之好友也西后密旨
一下謂沈之罪本凌遲因本日為皇帝萬壽且斬決不時故
囑獄吏杖斃之也其受刑之慘不堪言狀又應選經濟特科
之一等一名梁祖詒二名楊度均以新黨被掣下獄政府羅致
過甚開列新黨計四十餘人噫家國衰危新舊水火前車之
失惟漢與宋其可鑒乎方今朝廷君相苟安坐蹈其失吾
知此後不至于滅亡不止申後過縣署與王玉卿一談宵閱新
民叢報

鄭峻甫 綺巖先生六十壽言 代呂文起太守

光緒壬寅渭英官南閩老友樂成鄭君峻甫自甌航海來

遠游改作宦游

訪予憶在甌與君比舍居無晨夕不相接余故深知君即我
先大夫亦甚器重之君後遷瑞安余亦賦遠游倥偬塵務
南北異轍歲月如駛蓋睽隔已二十餘載矣今忽異鄉聚首
歡道平生相對之時見君之鬚鬢已斑白因詢君年亦已
周甲七月望日為君懸弧之期渭英曰天假之緣重逢舊
友不才如余進一言以侑觴可乎獨是貢諛之詞流俗之見
也余之壽君將以表君之隱且以誌喜焉耳君性仁慈且
慷慨喜任事咸豐辛酉平陽錢匪撲瑞城被圍十晝夜
君時年十八與邑人士嬰城固守無少懈未幾援至寇殲
全城無恙明年又在閩之大田縣襄辦剿匪事定疆吏援

例由國子監生奏保得八品職銜鄉里稱之瑞安舊有育嬰善堂嬰至日多而經費益絀猝無以應君患之亟商於侍郎孫公議撥郡嬰堂塗租之在瑞港鄉一帶者歸之瑞堂以濟不足侍郎韙之亟商郡紳往返數月事未就緒君猶子小谷茂才又力請于余余素知君代為婉請德峻臣太守准予撥瑞瑞嬰堂之有郡堂租君與有力焉君為人善排解鄰里有齟齬得君片言即冰釋時比之魯連君先時家無恒產與宜人陳氏勤儉相持躬操井臼家因是得少康嗣君一山少負文名旋以游庠食餼援例貢成均昔從余遊為及門諸子之冠君之有令子非義方之訓

使然歟近余在南臺奉上憲命購運西貢米君來留為襄辦事竣詳請大吏君亦得獎叙五品職銜以酬其勞又臺江萬壽江南二橋歲久傾圮行旅苦之君為督匠不數月而工葺平日幹濟多類此使君出為世用其成就當有可觀今身居鄉曲手不握尺寸柄猶力能持危慈能逮眾於小中見大推君之量未始非壽之徵門庭聚順蘭玉滿前有至樂焉語曰仁者壽君有之矣余與君交至深故為君質言之倘以虛詞為君壽是親之適以疏之也君之壽固可祝君千里遠來而不期相遇尤可祝也案牘餘暇為君約畧詮次之以為壽君者之吮引云爾不文之誦

僕奚敢辭謹序

十一日癸巳朝晴旋陰鄭一山偕其門人家友龍曾良士來為友龍新入國子籍赴省應秋試托余辦送錄科咨文也即往縣署抄稟送閱過陳紫峯璠近午張震軒妹丈來申後雷雨軒兄返權聞管君杏浦赴省是晚束裝起程往為送行并袖墨銀四圓托渠到滄代購粧鏡也循途過姜嶽仙家坐談良久薄暮往縣署催送稟稿王玉卿力為調停宵雨眠息甚早

十二日甲午晴熱晨訪鄭一山四兒煥樛洗中寒氣邀李禪菊表弟診之下正氣丸旋嘔出痰唾立即平復彭蓉仙

先生來取錄科文書去宵月明如晝過李玉君表弟家一談遇彬臣坐話頗久

十三日乙未晴熱朝邀修容匠整髮訪鄭一山福潤局送到中外日報一封夕作控陳慶瀛盜竊呈詞一手抄就踰於時刻不及投遞宵過李玉君表弟家一談

十四日丙申晴熱為受鄭一山之囑早起作峻甫老伯壽聯通德傳家香凝帶草中元降嶽壽紀庭椿往送其家托書并貼之以金申後全洪小峯往學署謁朱點衣老師

領取廩膳銀訂以月盡交下坐話至暮宵在李玉君表弟家飲節酒王夔拊在焉

十五日丁酉晴熱鄭峻甫老伯壽日一山折柬來招飲午刻赴席在坐者洪杏溪林鳳沼方曉畦家增浩小谷先生也王

大令考決科以二日為限

首題東方朔請斬董偃論次問

公法便覽載一千八百五十八年英法俄美與中國立約按此不得視中國在公法之外吳氏明明言之今西人輒謂中國為公法外之國受害非淺宜如何復舊說

以弭隱患策

閱網鑑補欲作之構思半日全未下筆明倫堂開

演說會計第十五期也宵精神疲倦伏枕早眠

十六日戊戌晴熱西北學堂開館同人以假期太緩恐於子弟大有所誤故今日特為開課余患瀉請假不去聞議定者近因虞管二教習赴省應試虛史學輿地二席邀余暫

掌史席而輿地學且俟之他日專課戊班虛無其人暫以薛教督代之教督之任須司事輪班相代鎮日在家成決科二藝交鄭一山抄繳申刻空雷不雨宵設饌祭祖先大雷電檐雨傾盆至更深始止

十七日己亥天早晴旋陰鄰家贈蘭花數枝插諸瓶中清香可愛成五古一首到堂授課輪教乙班夕丙班丁田震軒妹丈來申後大雨天氣頗涼薄暮軒兄返權宵倦甚伏枕早眠夜起代前林人作呈詞至天曙

鄰人折蘭花數枝贈予供諸膽瓶斗室生香頗可

人意

久不見幽蘭胸中積塵垢鄰人知余情數枝折在手投贈
當瓜桃未報以瓊玖秋水盈一瓶供養清芬受微波生硯
池有室小於斗抱膝讀離騷石塊澆以酒結想其同心相
對當益友

十八日庚子卯時白露鎮日陰雨天氣甚涼如深秋矣朝
到堂授課輪教甲班午刻族人晉三阿蒙永吉金槐來謂今
日呈期須作呈投署隨邊葉味蘭一酌并托為抄就投遞
晉三暨金槐諸人乘舟歸聞姜君堯衢錫康刻患時疫
而逝薄暮過李岳丈家一談宵倦眠甚早至夜半中心積
想竟不成寐遂起坐閱中外日報

十九日辛丑雨到堂授課朝輪教乙班 攷問 設封建與分郡縣

其法何者為勝

所答惟胡鉅泉項棟生最優夕丙班 攷問 居

民之屬滿洲者係何種類

元朝係何種族試詳前朝所立之國名薄

暮李友樵內弟往赴秋闈定本晚上郡趕乘輪船余贈程
儀一元遂相與送出南門至河干而別轉坐裕泉魚行與岳丈
漱芳內弟一談過陳某係北關人曾拜岳丈為義父坐話之間
土音不同余無言以答之至三鼓始歸

二十日壬寅終日雨到堂授課朝輪教甲班

攷問 蒙古與滿洲

人種之全盛始于何時

諸生所答惟夏家鼎薛允濬最佳夕丁班

攷問 晉篡魏之主何名為誰之子

問 東晉中興之帝何名建都何地凡

幾傳諸生所答均佳惟周毓崧為劣薄暮過李雲苓表第家坐談至暮邊晚飯至鐘十下始歸

廿一日癸卯陰疎雨早起聞鳩聲到堂課諸生溫積熟福潤局送到日報一封聞震軒妹丈有事來城余先告假以俟之而軒兄不至過趙羽儀處一坐成題鄭峻甫老伯小影七古一首薄暮院夫送學堂諸生課卷來邀余批閱却之宵初姜嶽仙周眉仙榴仙來避之不納精神困倦就枕頗早

廿二日甲辰朝雨夕晴星期休息閱中外日報午刻往北聖宮吃十會酒北門外計患急症者二人族人 自大日來訴余被人見欺侵佔山塲斫伐樹木遺余一往為之調停辭以館事

不能去周眉仙過訪宵過壽星叔家一談其夜見星

廿三日乙巳晴熱到堂授課潘子璜來教史學余仍歸戊班專課薄暮過鄭一山趙羽儀家一談知前日縣決科之作名列超三宵初劉老元過訪坐談頗久嫌前作題鄭峻叟松鶴小影中有數字未恆復為易之

題鄭峻甫 綺鑿 老伯松鶴怡情小照

此老胸中藏邱壑平生久踐林泉約怡情白石青松間葛衫梭鞋鞋饒灑落閒攜孫子坐看雲相對况兼竹與鶴我翁之樂其仙乎清風明月見真吾問誰攝取湖山影補作人生行樂圖

廿四日丙午晴熱到堂授課薄暮李彬臣表兄來取輓侄女
楹語去 遺家不造先失父又喪妻計此半年中誰知血淚未乾禍延猶

女佳會難成來人間歸天上過茲七夕節太息舜華遽謝悵絕牛郎出

聯原本對句余代贖之先數日表侄女得恙沈重芸荃表弟欲邀項氏婿來
先為一叙孰知婿未至而女竟溘然逝矣故第二聯語及之 宵閱中外日報

廿五日丁未晴熱天早族人學廠來謂昨日縣差在渠家
辦案頗嫌纏擾邀余出言通知即出東門訪葉味蘭代寫
一函付之談頃而別到堂授課宵空諸中表在衛房宮觀劇
至鐘三下始歸

廿六日戊申晴熱到堂授課薄暮偕趙羽儀往衛房宮觀劇

枓兒隨行宵葉味蘭來談頃去仍往觀劇夜雨氣涼

廿七日己酉天早雨旋晴午刻大雨少頃見日夕霽暮雷小
雨到堂授課張震軒妹丈來代購東洋歷史地圖一部計

廿一幅價英二圓二角邊渠代寫題小影詩宵眠息甚早

廿八日庚戌陰雨到堂溫積熟甲乙二班學生以前期文課
未經斧削還監督調排而薛仲渠反向學生責余諸生之

答殊覺平允余意此時固不能以口舌爭作乙百餘字書
之於版以代言 改良之後命人專課戊班與輪教甲乙丙丁四班者大有

上下床之分既分輪課專課各目 輪者誰乎專者誰乎彼此各有權限不
得相侵且專教戊班其人之學問可知今日輪班改閱上班卷雖為諸君所見

愛竊恐學力不及有負盛情特難遵命抑有一說焉凡考課命題必
視主教者所居何學始可分學出題如教史學者出史學題教輿地者
出輿地題教倫理學者出倫理題教衛生及國文者出衛生暨國文等題
鄙人所學自問不知又與此等之學殊近隔膜矧越俎代庖伊誰之咎
非敢自外範圍也實因專門功課自顧不暇且以昭慎重焉耳幸諸
君察之駿啓薄暮閱地圖宵閱新民叢報

廿九日辛亥晴熱星期休息朝閱中外日報福潤局送到
報章共八紙夕丁田軒兄刺舟來迎遂行抵岸已四下鐘矣
宵全震軒妹丈往地主廟觀劇約三齣而返

八月朔日壬子晴熱是日丁田會市家家親友交相饋送

主人設饌款客頗得古人雞黍之風余不出門遊玩校點中
日戰輯半日午後訪族人晉三坐談頗久宵往陳司徒廟觀
劇陳公為本地社神稱曰司徒則不詳其始末夜卯刻妹家
邀紐工來開剪合床帳為秀蓮甥女今冬出閣故也

初二日癸丑晴天早巖下杜君紫石寶璜來軒兄三房從妹
倩也坐談半日校點中日戰輯宵往陳司徒廟觀劇震軒
妹丈偕紫石均往

初三日甲寅晴校點中日戰輯杜紫石往莘塍夕欲買舟
歸家妹固留之宵與諸甥女坐談良久

初四日乙卯未時秋分晴早起聞昨夜被偷兒毀後門而

入失落錫壺熨斗諸零星物件竟不入正室幸矣晨餐
後顧大姆船乘之而歸夕到堂授課葉耕經送到新民叢
報第三十三冊宵閱叢報

初五日丙辰晴到堂授課薄暮往聖廟看習丙宵初訪
鄭一山是夜五鼓丁祭余派崇聖祠正獻引贊執事全僕
攜衣冠往焉至天曙歸

初六日丁巳晴到堂授課薄暮訪鄭一山宵閱新民叢報
大舅母來晤留宿

初七日戊午晴星期休息諸生在堂演說半日始散學休
息近午張震軒妹丈來過縣署托阿富抄謄王竹君控

李玉君欠款并佃戶張河發欠租此田係玉君家物前年
以賭負債王家銀洋二百之數背母壓與竹君者刻將出
差舅母聞之邀余全軒兄周旋其事宵震軒過王竹君處
作說客始許李姓備價贖回噫太原世由自戎善持籌竹
君數典不忘真其苗裔也余君松舫來晤夜雨

初八日己未朝小雨旋止天陰族人增楠來晤到堂授課申
浚軒兄泛舟歸宵過大舅母家一談

初九日庚申晴到堂授課福潤局送到中外日報共九紙宵
初在李穉菊家飲酒代周眉仙改丙班課卷

初十日辛酉晴到堂授課代周眉仙改丙班文課宵李麗

生表弟邀食甲魚

十一日壬戌晴早晨患腹瀉到堂授課宵代周眉仙改丙班
文課其夜柀兒患瀉余驚而起窺伺久之竟無他變殆亦
多食所致歟

十二日癸亥晴到堂授課同人酌議中秋佳節須放假三日
照堂中規例也遣陳粹琳往前林阿蒙處取前墊之款代宗
子樞為其尊人作挽弟聯

願染疴方隔宿傷哉予季于今廢讀陟岡詩

云析爨幾經年念及同胞在昔未酬大被

宵月明如晝過李王

君表弟家一談

十三日甲子晴閱中外日報過縣署與王玉卿相晤且懇卸

仲浦槐香己家名分公款暮過薛松如家算找本春祭祀
銀項約以明日宵過李穉菊處一談

十四日乙丑陰晴不定小雨氣燥在家解拆賬項過王玉卿
家談卸全吞噬之款夕訪葉耕經袖英洋二元予之係清議
報款也宵在衛房宮觀演梨園係集錦班名也衣服輝煌
頗堪娛目至鐘十二下歸是夜家母患嗽大覺駭人旋嘔出
痰唾始就平復

十五日丙寅晴雨不定朝到堂謁聖夕開演說第十七會
主講者陳介石進士孫仲頌主政薛玉坡上舍邵雲生陶春
生也陶市井中人所主之說直謂僧尼無益于國其平日斂錢

手段固為人意想所不到流于淫蕩皆由飽暖所致也欲整頓風俗必先置風氣於純正之中使僧尼得有地步方可其說如此勝于讀書人多矣宵設筵賞月合家團坐暢飲洵樂事也是夜雲氣淡淡月色朦朧旁有暈影

十六日丁卯陰小雨彙釘日報計二冊是夜亥刻月食至丑初始復圓

十七日戊辰陰小雨到堂授課彙釘日報計一冊薄暮仲妹來省親宵閱中外日報

十八日己巳陰小雨到堂授課丁田張震軒妹丈攜甥女繡蓮來薄暮軒兄返權彙釘日報計二冊宵閱報

十九日庚午晴戊刻寒露到堂授課彙釘日報計二冊宵閱報二十日辛未晴告假不到堂在家檢點季妹嫁奩雜件閱中外日報福潤局送來日報計十一紙是夜子時為季妹行上筭禮向正南迎喜神也

廿一日壬申晴午刻祭祖先敬告季妹出閣設待嫁酒宵花轎偕鼓樂人來接妹子去古人云嫁女三日不息燭余與高堂終夜不成寐信然

廿二日癸酉朝雨夕晴到堂授課彙釘日報計三冊宵李麗生備禮來拜余遂全趙羽儀妹丈往其家還拜渠設盛筵款余在席者蔣中笙趙羽儀玉君稱菊二表弟鍾文表侄掌壺

者麗生也席散歸殘月東上矣

廿三日甲戌晴到堂授課彙釘日報共二冊宵閱中外日報

廿四日乙亥晴到堂授課甥女秀蓮自麗生家回彙釘日報

共二冊宵葉味蘭家毓卿來賂

廿五日丙子晴季妹歸甯到堂授課午刻設筵款之彙釘日

報計二冊薄暮送妹歸麗生留余食河鰻坐談良久

廿六日丁丑晴到堂授課同人酌議以明日為孔聖誕辰

普通學堂總理孫仲頌先生邀諸同志屆期備俎互率諸

學生以祭之彙釘日報計二冊宵閱日報

廿七日戊寅晴旋陰氣溫宣聖誕辰早辰偕項志貞周

榴仙率本堂學生計五十一人到廟與各隅教習暨諸生隨

班作九頓首主祭者孫中頌刑部陪祭者陳寬卿項渭漁

志貞周榴仙及余也噫生民以來聖德之盛莫如孔子今

逢誕日陳豆籩而拜祝之師徒濟濟先後行禮信乎二千

來之一特典也是日停課一日張震軒妹丈來薄暮返棹

宵閱中外日報

廿八日己卯晴星期彙釘日報共五本過李彬臣表凡處

一談蘇惠廉教士以藝文學堂落成請李提摩登臺來演說

折東遷我瑞邑學堂諸教習於九月朔日二句鐘到會聽

演項志貞薛仲渠公覺來約以明日上郡彙釘日報計二

本宵過薛玉坡家談論姜岳仙亦至聞管杏浦吳伯屏自杭省旋里即往其家相晤談及家左髓在杭染疾至廿四日申刻歿於申江客寓矣問其原因半由熱心科舉當緣當路徒耗精神以致之也噫科舉科舉如狐媚人左髓本文明人猶為所弄甚矣科名之一大毒藥也

廿九日庚辰陰在冢棠釘日報福潤句送到中外日報共十紙同人議定本堂停課四日一本廟神聖誕期祝賀演劇一以上郡聽西士演說不能安心授課也檢點行裝作晉郡計宵乘航船全項志貞周眉仙榴仙薛玉坡仲渠叔姪潘志篁李翰西暨本堂諸生共三十一人晉溫棹兒與馬聞普通學堂及各隅學堂諸教習學生司事計也百五六十人噫瑞邑文明士民好學廣開風氣擇善樂從吾輩殆有榮焉是夜大雨有風至天曙始止

九月朔日辛巳晴早晨舟抵郡全項周潘薛諸君暨各學生上岸僑寓中學堂而三隅暨普通諸師徒均回寓焉過院夫吳乙生處取來墨西哥洋一枚即回下午一鐘偕全人到藝文學堂聽講地界宏敞樓計三層牆舍高環花木清翠入門四望眼界豁然俄馬道鎮府縣之官均到會坐於中者蘇惠廉中左中右均坐以西人坐稍前者左道憲右鎮憲其左次為府尊右次則永邑縣主仲容先生又坐其次又有數西人則稍居後其餘則均列下座府縣學之教諭中學堂之教習都在列焉英儒李提摩太演講良久不外保國保種為主義其言云凡事業須以自立為

主彼列強之豪傑如俄之大彼得法之拿破崙德之威廉第一美之華盛頓日之明治一時勵精圖治遂為地球上之雄國清國君自為君臣自為臣民又自為民且上下交私安問竭誠以報主戮力以定邦此中國所以衰所以弱而終至於不振况又諂媚外人苟安為計吾知瓜分之禍即在眉睫燕巢幕上禍福不知苟至極慘滅國滅種情將奚堪嗚呼如李君所言真藥石之論也李先生座設於右鶴髮童顏面貌肥赤洪鐘其聲光電其目坐談半日毫無倦容我輩少年洵愧不及也三句鐘始散仍返堂中與潘生鑑齋閒話并及中學堂條規教

訓頗近破敗其人殊屬野蠻且其中二三生徒專以脂粉為一大功課妖嬈體態迥類俳優噫地非戲館何忍尤而效之耶諺云嘗鼎一臠已知其味一郡如此況其他乎宵初仍乘航船與西南學堂共舟歸瑞項志貞薛玉坡仲渠留郡未返夜雨

初二日壬午陰雨早晨舟抵岸與同人作別攜梅兒歸在家閱日報宵往陶尖殿觀劇潘志筮彭耀卿周眉仙姜嶽仙俱在焉

初三日癸未朝陰夕霽在家彙釘日報計四冊薄暮過李雲苓表弟家一談訪劉老元過之邊渠代為增釘日記

冊子宵閱日報

初四日甲申晴到堂授課聞鴻秋舅氏近患瘧疾宵往其家一問彬臣表兄亦來見其舌燥唇焦懶于言語恐老年人不勝磨折也代為擔憂不已

初五日乙酉晴余生日也子刻霜降到堂授課丁田張震軒妹丈來申刻聞鴻秋舅氏得恙十分危急家慈往其家一問宵葉味蘭來晤葉耕經送來新民叢報第三十四冊二漏下家慈歸家余復往舅家探問見其氣息奄然不省人事爰囑桂琳表弟料理後事遂回

初六日丙戌陰小雨先大父生辰星期早晨國琳表弟來

謂二舅氏於寅刻逝世矣午後震軒妹丈攜甥女繡蓮來
舟歸彙釘日報計二冊宵在李蘊齋表兄家為舅氏送殯
在麗生家過宿

初七日丁亥陰到堂授課仲妹歸自家宵閱日報

初八日戊子陰天氣寒涼到堂授課宵西風撼樹如海
潮之湧聒耳甚喧閱日報

初九日己丑雨先大母忌日到堂授課是日為重九佳節
天公忽降大雨不能登高縱覽洵悶人也成七言一律又補
改庚子詠拳匪之亂二律族人增柀邀余至壽星叔家一
議因星叔貪于嫖賭耗費田園幾過半矣其寡嫂屢有

責言兩不聽受必當分釁自管為愈遂至其家正在喧鬧

徐梅友

式珍

鮑

廷輝

均為伊親戚俱來尚未議定遂歸

宵閱日報

拳匪構亂聯軍入京有感而作

深憾無謀起網羅華夷從此構兵戈遠陽地失雄關
險燕北沙埋白骨多江岸魚龍吞鐵鎖宮門荆棘沒
銅駝書生縱有扶危志其奈狂瀾莫挽何

星閃天弧作有芒軍書旁午走倉皇周京宮闕悲禾
黍唐代江山擾犬羊衮衮諸公皆醉夢嗷嗷黔首半
流亡覆盆此水難收拾誰摩兵端笑不良

重陽日遇雨有感

年年佳日本相同。過隙駒光一瞬中。大地陰靈羈赤日。平沙冷落捲西風。最憐秋後辭巢燕。不及天邊避繳鴻。願學淵明寄高節。菊花詩酒傲籬東。

初十日庚寅陰到堂授課午刻為舅氏三日大殮之期袖素衣一拜薄暮增楠遂余往大生布庄全李老蒸過成良公家坐譚尚無頭緒可尋也實在蘊齋表兄處飲酒俗所謂三日酒也

十一日辛卯朝陰小雨夕稍開霽色到堂授課薄暮訪吳伯屏遇之洪仲美余味蘭亦至相與坐談至二鼓夜月明亮

如畫

十二日壬辰晴到堂授課福潤句送到中外日報計十二紙宵閱報

十三日癸巳陰星期在家中閱日報彙釘計二冊薄暮過李雲荅表弟處一譚

十四日甲午陰朝邊周眉仙代課往鄭一山家為其大母李太孺人送奠夕余因項志貞有事不到堂代授甲班國文一課諸生謂余本歸戊班各有權限不得相侵且薛教督定有條規無論何班教習不到者均歸教督代理又謂余前次不到戊班無人授課薛教督即為散去鄙人本熱心

教育竟被若輩所抑噫作備者其薛仲渠乎宵閱日報
十五日己未陰小雨到堂授課已刻全鄭七山登盤山閣拜謁
文昌帝君值祭者為和叔之令嗣長生也同譜中八人章君
宦游粵東劉君寓跡武昌梓園賡廷心泉三君墓已宿
草而今春和叔又遭歿故十餘年來知己寥寥不勝動人
琴之感此日公祭惟鄭君一山及余暨和叔之仲弟耳午刻
在長生家飲酒席散已申後矣明倫堂開演說會計第
十九期主講者陳君介石余君松舫也宵往李穉菊表
第家一談

十六日丙申陰小雨遣工人何全往嶼頭收租到堂授課宵閱

壬寅年新民叢報彙編

十七日丁酉雨早起成論一篇

題俾士麥福澤諭吉合論到堂授

課宵初嫌今晨所作論尚未愜意挑燈握管大為改易

十八日戊戌陰到堂授課成議一篇

題擬建藏書樓議未完

善宵深大加刪改較勝于前

十九日己亥陰到堂溫理積熟夕拚文宵作策問

題瑞安二

縣未經升科之沙塗共有若干現奉藩委會查令佃繳價按年納租悉

數入官報解宜如何清私墾以裕公款策五鼓始脫稿

二十日庚子晴子刻立冬星期是日叙齋收款值收者葉

壽如姻丈家自憾囊橐罄矣向管杏浦假來英妓十翼陳

泉記五翼李妹二翼勉為湊集午刻設席於西岷山閣在座者吳伯屏楊雨村李麗生葉耕經雲村家毓卿當筵交清銀數惟孫君中愷彬臣表兄不至宵閱日報

廿一日辛丑朝陰夕晴到堂授課宵閱日報

廿二日壬寅晴邊周眉仙代課乘渡船全陳粹琳往南岸將近衢衢船頭一觸下水者二人幸潮勢已平又近岸側不致滅頂舊例飛雲渡船每隻限載四十人裝運貨物計二千餘斤船值每人錢四文刊有碑碣又有司事管理曩時備船六隻今已增十餘數矣而前規反敗渡江者一舟小則八九十人多則百四五十人貨物裝載斤數三倍且船戶更有因人

攜貨而強索厚貲者無怪擁擠不堪人多貨多難免此中失事良由司事受船戶濃賄任彼取盈不顧利害嗚呼上下交征成何世界利之愚人甚矣哉余目覩此事將約同志者數人稟公示警以除陋習以整親切之新規弭厥後患乃可遂願近午抵岸住河船往石碣門地方收租佃家陳友珍留午餐找來租穀六百斤過鄭寶壩義弟家一談薄暮乘河船到隔岸衢衢仍坐渡船過岸及歸已上燈時矣宵深過裕生布庄與姜嶽仙坐話固眉仙在焉三鼓後往鄭一山家因鄭君尊人於是夜卯刻為其先母李孺人安厝邊余全到礁石山代祀后土神也二下鐘後偕方君曉畦一

山隨其令尊峻甫老伯到山時月色清澈樹影滿地行路頗覺爽快但西風吹面不免瑟縮耳未幾到墓安葬葬事迄下定成主日輪紅射矣

廿三日癸卯晴早晨令諸人奉主下山至錦湖亭小憩俟鄭家諸戚友到齊即隨影亭送至其家虞祭既畢始歸邊陳碎琳全家增楠往銅乾地方收租午刻在一山家飲酒席散過趙羽儀妹丈家坐談福潤尙送報紙十頁宵眠息頗早廿四日甲辰晴到堂授課宵往李麗生表弟家一談

廿五日乙巳晴本堂約定秋季大考須限九天一日溫熟何學一日考問何學是日戊班諸生溫字課共二十五課前有曠課

即為補之宵葉耕經送到新民叢報第三十五冊過李麗生表弟家一談

廿六日丙午晴在堂課諸生攷問計十二條惟蔡梧生陳廷佐最為清潤增楠粹琳自銅乾收租歸計獲穀三千柳君

賡颺袖來大雲山房文集計四冊邀余購之價小洋二角係陽湖

惲子居敬大令所著先生工古文辭自成一家偶出一著即贈炙人口與我先曾祖作文字交最相契治短札往來家

藏頗富聞生平性情甚傲又惜墨如金不妄為人作媚譽語故集中壽言墓銘見之者少今讀此集如對古裝宵過裕生布庄與姜嶽仙相晤

廿七日丁未晴在堂溫諸生蒙學讀本計二十課有曠課者補之宵與李麗生表弟坐談

廿八日戊申晴在堂課諸生攷問計十二條震軒妹丈來申後李麗生表弟托余往仲愷家袖還舊冬借項鷹洋二百元息十五元近日孫君抱斷絃之感與之相晤慰唁久之而返薄暮軒兄返櫂宵訪趙羽儀妹丈坐譚劇久

廿九日己酉陰在堂溫諸生字課共三十四課兼為解說宵過裕生布庄與周眉仙姜嶽仙相晤至更深而返

三十日庚戌陰在堂課諸生攷問計十四條惟蔡梧生蔡作湘頗見清晰薄暮袖孫君所交會款訪葉壽如丈不值宵過

李麗生表弟家一談

十月朔日辛亥晴在堂溫諸生蒙學讀本計二十八課明倫堂開演說第二十會本堂諸生以大考請假不去宵過李麗生表弟家坐談頗久

初二日子陰在堂課諸生攷問計十六條溫郡吳乙生處送到道課題目

德相畢斯麥最稱中教為各教所不及今欲使中教徧行泰西各國試定推施之法

故者以利為本義宵閱日報

初三日癸丑晴在堂課諸生拚文惟蔡作湘造句頗覺驚人年未成童而敏捷若此進境未可量也楊鴻儒管廷愷其次之福潤局送到日報一封張震軒妹丈來薄暮

返權宵作道課成二藝五鼓始寐

初四日甲寅陰星期一山托余復作第一道用韻語均選渠抄之寄郡過趙羽儀妹丈家坐譚良久宵過管杏浦處一談轉過裕生布庄過薛玉坡項慎初吳丹臣周眉仙諸君初五日乙卯晴旋陰戌時小雪朝到堂授課夕遶彭耀卿代課往長生姪處為家和叔送葬於城東隆山之麓薄暮訪楊雨村并袖會項付諸葉壽如丈宵訪周榴仙過之初六日丙辰陰到堂授課宵過裕生布庄與薛玉坡坐話初七日丁巳陰到堂授課宵過李麗生表弟家一談初八日戊午陰寒甚到堂授課丁田張震軒妹丈遣福錦

伯來作函覆之宵過李麗生表弟家一談

初九日己未晴到堂授課宵省問李岳丈近日氣體衰弱較前月精神大減色也

初十日庚申晴到堂授課宵過李麗生家坐談頗久

十一日辛酉晴星期朝全陳粹琳為轉札家田之事往東山姑丈黃獻魁家托渠覓人扎種與姑母坐談至午而還夕全趙羽儀妹丈攜柶樽兩兒往衛房官觀劇宵仍往觀之至三漏歸

十二日壬戌晴到堂授課宵往南門外陳府殿觀劇

十三日癸亥晴到堂授課張震軒妹丈來福潤局送到

中外日報計十紙宵往陳府廟觀劇夜深與友樵內弟歸
十四日甲子晴長起見霜楊君雨村來訪到堂授課兼算
戊班大考功過分課定甲乙名次作覆震軒妹丈函夕甲
班代課宵全周眉仙潘志篁往南門外陳府殿觀劇是
夜月明如雪與霜映照十分皎潔

十五日乙丑晴晨起見霜到堂授課夕甲乙丙丁四班諸
生到明倫堂聽演說計開第二十一會戊班諸生不去散大
考卷將其改竄之處講授久之宵西風極大偕李乃文
表侄往南門外陳府殿觀劇遇周眉仙潘志篁姜薇仙
葉雲村家梅仙至鐘十二下步月而歸

十六日丙寅晴晨起見霜到堂授課宵月色皎潔虛室
生白有如白晝葉味蘭李麗生表弟來談至鐘十二下
始去

十七日丁卯晴晨霜鋪瓦甚白到堂授課宵往李岳丈
家問疾

十八日戊辰晴星期在家閱日報宵邀葉味蘭來舍受
李麗生之托囑渠代為捉筆因家中失落首飾控女傭陳
氏鳴官追賄也趙羽儀妹丈勸余不可代勞余頗意拂
十九日己巳晴到堂授課宵往李岳丈家問疾

二十日庚午晴申刻大雪到堂授課宵訪管杏浦袖還借

洋八元并息錢二百五十文尚虧二圓未繳周榴仙亦來談
頃歸

廿一日辛未晴在堂授課宵過李麗生表弟家一談

廿二日壬申晴到堂授課宵往友樵內弟家省問岳丈疾

廿三日癸酉晴在堂授課張震軒妹丈來福潤局送到

中外日報計十紙葉耕經送來叢報第三十六冊宵葉味

蘭來與軒兄坐談至夜深

廿四日甲戌陰在堂課諸生溫積熟午刻張震軒妹丈往

家左髓處弔祭薄暮軒兄返舟宵全周眉仙潘志篁訪

吳伯屏遇雨留晚餐坐談學堂近日破壞原因頗久聞

國民日日報中載俄人佔據奉天拘禁將軍增祺而俄日

協商有滿洲歸俄自主高麗歸日自主之說各國效之因定

瓜分之局勢頗洶洶噫事果如此中原殆不可為耶然日報

中高未明載之也吳君言之謂近日未定恐將來必至得

禍也轉往志篁家一談至鐘十二下始歸

廿五日乙亥晴星期在家閱日報楊雨村來說托借之事

必須重物以壓勝然銀款艱難遲恐未成也全往孫中堂

公子家坐談半日宵閱濟南林氏家譜

廿六日丙子陰到堂授課宵過李岳丈家問疾近日精神

大覺委頓

廿七日丁丑雨旋陰到堂授課宵雨葉味蘭來因前日麗
生表弟家失物投呈縣署幸獲批准送稿差查欲余調
排盤費以好去辦也坐談更深而去訪麗生不值與雲
苓談論劇久

廿八日戊寅晴到堂授課訪鄭一山囑書軸字送孫中樞
公子之夫人洪氏宜人張震軒妹丈來薄暮返舟訪葉
耕經王玉卿均遇之宵往李蘊齋表兄家聽縉流誦經蓋
為明日建設道場超升舅氏此俗未能免也

廿九日己卯晴到堂授課內子歸家省親問疾宵深始
歸往李韞齋表兄家看僧流坐談口說法至三鼓還

三十日庚辰晴到堂授課宵往趙羽儀妹丈家一談

十一月朔日辛巳晴到堂溫積熟課夕拈文明倫堂開演
說第二十二會宵往李岳丈家問疾而精神較前日大為
減矣

初二日壬午晴天色嚴寒星期閱中外日報宵往李麗
生表弟家坐談頗久

初三日癸未晴晨霜鋪瓦天氣甚寒到堂授課代李麗
生抄控額外彭起霖貪賄蔽惡稟詞宵在李玉君表弟
家飲冬節酒王夔拊在焉歸作經古課題維持園法策未
就

初四日甲申晴到堂授課福潤局送到中外日報一封夕竹
崖公祠致祭余以館事不去舊例小宗祖祠先冬至一日
祭獻至今未改祖制宵往李岳丈家問疾覺前次較沈
重矣歸續成昨作策并作論一篇題令尹子文毀家紓難論
至五鼓始就

初五日乙酉晴冬至節朝袖經古所作二藝邊鄭一山抄
送東山黃獻魁來說田已擇人扎就抄大宗祠祭祖先文
午刻偕增楠弟及柵梓祠三兒往宗祠祭拜值祭歸余設
筵三席鄉間伯叔來者甚眾席位無虛故讓客坐不陪
飲宵閱中外日報

初六日丙戌晴晨霜頗厚到堂授課作函覆震軒妹丈
向九如庄借來英洋二十元約以二旬之期還壁訪葉耕經
袖息英洋十三元托為轉送胡雪汀家并乞渠轉展一期
宵為壽星叔家之事邀成良公周旋其間毓卿亦來坐
談半夜竟不成議

初七日丁亥晴到堂授課宵作永縣課題祖述立威河南石
勒未與通好迨不報書而聽其至市論至四鼓始脫藁

初八日戊子晴朝內子歸家省親余到堂溫積熟震軒妹
丈乘舟自丁田來申刻返權余往岳家問疾覺岳丈精神
疲倦大不如前矣我心為之擔憂薄暮內子回家宵作縣

課策一道

題

問孔門七十二子史特以身通六藝表之數者六藝之一

也漢魏以降代有專家至宋胡瑗教士其治事一齋亦以算數分科是

中土教法本自賅備無遺而今之習天文算學者動云效法秦西何與

策至五鼓始就

初九日己丑晴星期往李岳丈家問疾勢頗危殆必將不起遂邀內子往省宵在岳家侍疾至天曙

初十日庚寅晴請假不到堂邀周眉仙代課終日全葉雲村在岳家侍疾宵岳丈之疾十分沉重余全葉雲村均在其家天將曙岳丈忽呼曰余曾欠間後烟館錢乙千七百四十文漱芳內弟答以此款兒當還之丈人曰此錢必須自償即

以銅錢授之遂作歎聲曰窮甚窮甚爾等各有不用本錢之物反吝不與可憾實甚岳母答以念阿彌陀佛號可當錢乎岳丈點頭又乞刷印西方船一紙自言今刻潮信已到可坐其船去矣遂乞一紙來并竹絲燈焚之于庭旋覺氣息奄然不復置語噫生未死往去佳分明惟仙與佛其能之丈人知其殆有宿根者歟

十一日辛卯晴請假不到堂邀周眉仙代課出東門訪葉味蘭為麗生表弟生物之事托渠邀差到 何真家一查以

陳阿裕之妻在真家無須到沙園費一片勞苦也仍往李友樵家一問但覺氣息如絲至薄暮岳丈竟辭世矣宵歸

家因兩夜在岳家侍疾未曾合眼故伏枕早眠

十二日壬辰晴岳丈于巳刻大殮攜柩榭祠三兒暨女蕙秀
全往送之悶坐半日宵過李麗生表弟家一談

十三日癸巳晴到堂授課午刻訪鄭一山宵過李友樵內
弟家渠邊一山兄寫銘旌并堂前楹聯余為改易廿餘

字

椅嗟父兮

十四日甲午晴到堂授課午刻為岳丈三日大殮之期往其
家一拜攜柩榭兩兒往范錦松飲福首酒聞陳孝廉志

三九先生於昨日辰刻歿故矣先生才學超邁精透醫
理著書數百卷有治平通議利濟學報等書海內知
交幾乎殆遍洵名孝廉也今捐館舍何痛如之宵在
岳家飲酒至更深而還

十五日乙未晴到堂課諸生溫積熟明倫堂開演說第二十三會福潤局送到日報一封宵閱中外日報

十六日丙申晴星期朝姜珊梅為其聘室項氏出殯邀余送之有事不去丁田張震軒妹丈遣伴刺舟來迎高堂往其家盤桓數天蓋因繡蓮甥女出閣之期已近特為一叙也夕閱中外日報宵往李麗生表弟家談論甚久

十七日丁酉晴到堂授課宵內子歸家為岳父明日來復一週之期往拜之三鼓始還月明如晝閱日報

十八日戊戌晴到堂授課內子歸家拜祭宵過李麗生表

弟家一談

十九日己亥晴到堂授課張震軒妹丈來薄暮返櫂宵在王景良處飲福首酒係舊年補祝也歸閱報

二十日庚子晴丑時小寒到堂授課震軒妹丈因二甥女出閣之期在適遣介來邀約以明朝高舉陳上良叔來招余全去收租遂邀洪杏溪表叔代往遂留上良過宿來朝啓行宵膳清佃戶租額單訪洪君談及高舉稱祖屢年敗壞原因托為竭力整頓深感渠獨力任之

廿一日辛丑晴天氣微溫早晨丁田妹家刺舟來迎已刻抵其家甥女粧奩已接置舟中矣夕與家晉三兄坐談

宵飲嫁酒是夜寅刻甥女行上筭禮

廿二日壬寅晴午刻葉家備彩輿暨鼓樂來迎至申刻始啓程宵與軒兄坐談至更深

廿三日癸卯晴星期朝令張震軒妹丈坐殿隱園閒話鴛甥握管作花轎記頗有頭緒心喜此子必不凡也夕步行自丁田歸至暮始抵家宵倦伏枕甚早

廿四日甲辰晴到堂授課宵內子歸家為岳丈是夜過床期也二鼓歸

廿五日乙巳晴內子歸拜父岳丈來復二週之期余到堂授課宵初內子還

廿六日丙午陰雨到堂授課高舉鄉人陳上良叔來謂洪杏溪表叔在其地收租較余昔年勢大強橫計每畝必定租穀乙百五十斤足其額數且謂余家之田項賣於胡姓胡即小玉大令也胡田買於此間為多征收極酷勢如狼虎故鄉人聞其名甚懼上良曰此人果效胡姓所為恐此後多生枝節耗費銀錢強邀余自往遂不得已訪鄭君一山托渠寫一手書交良未寄諸洪君囑其和平辦事也上良始袖書歸高舉福潤局送到中外日報一封宵閱中外日報

廿七日丁未陰微雨先君生辰到堂授課聞李彬臣表兄

得女孫

取名灼桃

宵往其家道賀轉過壽星族叔家全諸戚友

酌議析爨之事未得頭緒而返

廿八日戊申陰到堂授課宵往吳汝賢家飲福首酒席散

往壽星未家與諸人集議析爨之事仍未就又過伊叔處

良公處坐談劇久三鼓乃還

廿九日己酉陰微雨天早洪杏溪表叔暨陳上良叔自高

臬回說本年祖穀較往年大勝一籌獲祖壹千壹百捌拾

肆斤過自稱計穀捌百九十三斤惟雷公山陳士虞邱培昌二

佃戶猶執口照上年額數交租大覺強項故祖未收齊又即

弟前所昧之五分田今已查出亦當局不認然祖已收到矣

此二事必須鳴公飭差嚴辦以儆將來也余唯唯談良久別

去到堂課諸生溫積熟夕拈文申後上良束裝辭歸宵

訪李麗生表弟並坐而談時歲將殘臘囊金已罄而賬

項叢如蝟集且向富家乞借甚艱奈何三鼓始歸

十二月朔日庚戌雨寒甚星期朝到堂謁 聖鄭君一山

來謂借項一節家漱泉先已托蘇瑞石將有成議矣其

德之午後又遣方鴻藻送短札來云刻即移玉至館有事

高陳切切即時訪之約以今晚備借券交換薄暮訪李

麗生表弟邀渠代稟允之宵初全鄭一山訪漱泉袖券交

瑞石隨送到英洋乙百元

票立明年九月廿八期計即贈蘇君

西哥銀洋乙圓小洋五元以作酬勞之費藉我良朋贊成此事中心藏之何日忘之更深過鮑

廷輝家一談因星叔

與其弟壽乾不同室操戈議為析爨也是夜朔風加嚴天寒雨霰

初二日辛亥天氣嚴寒雨霰到堂授課宵內子歸家為岳丈過床期也二鼓乃還改宋子樞課卷是夜寒氣加嚴擁抱衾裯冷如潑水

初三日壬子天氣嚴寒雨霰到堂課諸生溫積熟蓋為明日冬季大考故也午刻為岳丈來復三週之期至其家一拜宵作玉尺官課成二鼓

叔孫通論 雖有其位苟無其德不敢作

禮樂焉 至四鼓始就枕

初四日癸丑大晴朝到堂課諸生溫積熟夕攷問

問四時

有何主名一年計若干日一日計若干時

問蛟與龜均有益于人否而古今

人於此二物究有何政 問貂皮有幾色以何色為貴今以何等之官服

之申刻張震軒妹丈佳舟送我高堂旋里薄暮返權宵過成良公家坐談頗久知星叔析爨之議已定但田畝未搭勻也歸成四書義一篇

初五日甲寅戌時大寒節晨霜鋪瓦甚白朝到堂課諸生

溫積熟夕攷問

問禽與獸之配偶有何主名至稱其所生其亦相同

否 問雞與鴨能知天氣俗有何說又貓與雞二物能應時否試言其詳

問豸獸屬也何以稱其性之直古人用之何歟 問鯉與鼈二物俗有

何說至龍之為物中國重之何故 問草木禽獸之中可以入藥者何物試

指其名以對申刻張震軒妹丈來近為朱煥珍家魚夜被盜

邏獲一人集同舍構詞送縣請押以懲之也薄暮袖英洋五

十元訪葉耕經托其轉交胡姓談頃歸宵李友樵內弟邀

余至其家因目下喪費甚繁集戚友玉成至公一會余分屬

至戚義不容辭但憾囊金罄盡猝無以應難于進退其

奈之何

初六日乙卯大晴晨霜加厚朝到堂課諸生溫積熟夕致

問 問童子之收為妹之祝蝶以二人相較孰智孰愚試為之辨 問

雞之形狀若何既分為雌雄其各有所能否 問士人之筆有何分別至

古今所製其取用有相同否 薄暮往趙羽儀妹丈家一談妹留

晚餐至更深而歸

初七日丙辰陰朝到堂課諸生溫積熟戊班學徒十五人

均到齊林連藻曠課數日補作攷問 問鯉有幾種其為物也

俗有何說 問河豚之形何似問人目皆能開能閉魚目亦相同否 午刻

福潤局送到日報十一紙夕攷問 問羊豕二肉其氣有相同否至

羊之種類不一其毛何以分別取用試言其詳 問學堂中開學及放學

約有幾日有何所事至謁 聖之期定於何日一月中計有幾次一年中共

有幾次試詳舉以對 問萬物之首有何分別人之形亦與萬物相合否

諸生所答均優惟王詠興最芳宵為君蘭庭題虎溪三笑圖成四絕句

虎溪三笑圖為君蘭庭屬題

初八日丁巳朝陰夕晴星期作控陳慶瀛盜葬呈詞并抄就申刻往縣署交何富投遞訪孫中愷公子不值宵過鄭一山家一談

附錄

為積惡盜掘賄差狡庇泣祈雷提嚴訊律辦以雪沈冤事慘遭積著訟惡訪拿自新之草生陳慶瀛狡串地師萬河寬惡佃楊阿欽等發掘二世祖鄉賢正仲公第三坦附葬復道公墓盜葬父柩一業歷有年所案積如山雖經屢任前憲批飭嚴提惡黨每被刁差蔡高等貪瀛濃賄陽奉陰違縱庇不案以致慶瀛惡胆愈橫武斷鄉曲較前尤甚又欽寬二

人在鄉間逞意強蠻倚瀛以為包庇獨不思身累重案閉門
思過欲求解免罪恐難避况于耳目昭彰之地城隅密邇之
區公然肆惡目無官長目無法紀其平時慣為不法不待
等直陳而惡狀已如繪矣但生等再四思維掘人塚墓為民
間莫大之案瀛等忍心昧理愆不畏法瀛罪滔天懲宜加
等人生在世誰無祖宗人之祖墓苟聽人掘而葬之而甘心
忍受豈有此不賢之子孫乎案已明確苟為強惡貪圖吉
壤獲而復縱被差所朦遂使惡黨法外逍遙聖朝之法律
昭昭不將虛設乎且生等自祖墓遭掘以來合族含冤均謂
奇冤一日不得伸即此心一日不得釋前沐憲批勒限嚴

催候到日訊明察懲毋躁瀆等諭計自七月間赴轅投訴
至今時屆殘臘已六閱月有餘靜心以待未聞差到瀛家
提寬欽等一齊到案其為瀛賄差庇確鑿無疑生因祖抱
深冤良心不昧即身罹鼎鑊有所不辭昔本塞源必非
人類生等思之熟矣總之此案堅如鐵鑄首惡在邇若不
嚴提懲辦非特生一族祖墓遭盜掘之殃即他人有墓苟
勢可強佔必將相率而效尤此風一長流毒矣窮憲天
明鏡高懸杜漸防微當有所心照矣迫此僉叩泣乞老
公祖恩賜電飭蔡高等嚴提首惡陳慶瀛及萬阿寬楊
阿欽到案集訊律辦以剪強惡以昭深冤迫切上呈

批
此案節次催提迄未稟到詞稱賄庇恐非無因候再勒
催再延比差

初九日戊午晴朝到堂授課周眉仙為其尊人問樵先生
安葬已刻往為送之本堂學生均着素服以送改冬季大考
卷簿暮葉雲村僚婿送來叢報第三十七冊訪葉耕經袖
交胡姓轉票一紙付還英洋五十元轉票數目只五十元息計
十月交六元五角計三十年十月初五日坐談良久

又往孫中愷公子家代震軒妹文麗生表弟借銀洋只
允乙百數二人平分門人季凡自日本歸里未遇轉訪王
玉卿袖交借券一紙本英洋五十元息七元五角
訂三十年九月初五日交還坐談劇久李聲玉
在馬鐘吟皋金作三陸續過訪余乃歸內子歸家為明日

岳丈來復四週之期也

初十日己未晴朝到堂授課東山黃獻魁姑丈來謂媿兒
舊種之田近已轉札訂定矣渠一索得男邀余寫名帖取宏
鑣二字以還之改冬季大考卷宵往家子椿處襄事蓋為
嫂氏夫人本日安厝設靈點主者也聞嫂夫人甚賢淑女
紅積年獲貲頗厚布裙椎髻勤儉可風漢之孟光豈多讓
乎此日葬費皆其所積也

十一日庚申陰雨家中換新朝到堂授課午刻家子椿兄
來招飲辭之夕仍在學堂授課宵作玉尺師課成策一
道問凡流質得熱則漲而淳得冷則縮而沉而水冷至冰度質體反漲而

至此而思寸草此世終于不可救挽也薄暮神禱春送遠夏家非過其家過其山

七日丁酉晴旋陸天早代李慶生作書寄公任任之刻買舟全慮光榮往十四午抵城家始知妹

手結陽日與一男今日適當三朝并為道賀聞此下墜地特值五日于時且狀狀待待皆喜大

其為英物無疑古人以田父當于此日而生為商賈族位互相俟以此火同日後未貴顯未可量也

午餐後復宿城靈三甥注舟泊吹口嶺龍舟日著一棹宵夜日報夜雷雨

十日庚子雨到館午刻接孫德金公子家購東陳禮所著數術洋裝二冊甫初往姚琪門會

贈之研究數至二款歸

十一日辛丑阻雨不到館報與李慶生趙羽儀二妹文坐話之在家閱日報薄暮稍有情意寄

仍復報

十二日壬寅南天早武帝發登分府果到館實與各屠戶結算分而賬寫武帝祭章是

十三日癸卯陰到館福潤公送到日報王木薄暮慈親乘輿往和儀姑丈家

十四日甲辰運輪到館多往西北平糶的發給各戶交付米手摺至暮以序宵聞報

十五日乙巳陰西北風平糶公局管汝哈育原到白磁開全以已居同常之列雖非佳年亦不壞也

十六日丙午晴到館課諸生溫積款午刻往惜字局收買字紙同市者皆仲凌事件

十七日丁未晴不到館終日在家閱日報

十八日戊申朝大雨如注到館之情段文課薄暮張震軒妹文過訪談頃去宵伍實

瀛表策來坐談甚久謂八月將行迎娶謀集親文預于六月聯至公雅會以便協助

邀余赴席適像至觀義不得詳然心許之外亦未免也坐語良久而去

十九日己酉晴到館段文課薄暮過趙羽儀妹丈家留晚餐轉訪李樹長長談至

更深而歸

二十日庚戌晴到館朝陳丹卿表弟過訪神燈燈燈堂天若課卷卷亦折閱對

談半日午後雷雨少兩夜密雨吳亦溪文集宵初雷雨而能燈演示

廿一日辛亥晴朝到館午後雷雨無雨天氣驟熱揮汗如珠欲赴館途過姚家因

衣衫濕透身子不適遂中止宵李淑芳弟來調撫感所服開張之裕勉能行

廿二日壬子同人談閒飲余以為開列尚未及瓜處為此舉恐貽羞且此行也係子發

遠之舉一旦寂然名譽攸關尤為不便况所處者數萬無多余豈能素服不戴

廿三日癸丑晴到館朝陳丹卿表弟過訪神燈燈燈堂天若課卷卷亦折閱對

談半日午後雷雨少兩夜密雨吳亦溪文集宵初雷雨而能燈演示

廿四日甲辰運輪到館多往西北平糶的發給各戶交付米手摺至暮以序宵聞報

廿五日乙巳陰西北風平糶公局管汝哈育原到白磁開全以已居同常之列雖非佳年亦不壞也

廿六日丙午晴到館課諸生溫積款午刻往惜字局收買字紙同市者皆仲凌事件

廿七日丁未晴不到館終日在家閱日報

廿八日戊申朝大雨如注到館之情段文課薄暮張震軒妹文過訪談頃去宵伍實

瀛表策來坐談甚久謂八月將行迎娶謀集親文預于六月聯至公雅會以便協助

邀余赴席適像至觀義不得詳然心許之外亦未免也坐語良久而去

廿九日己酉晴到館段文課薄暮過趙羽儀妹丈家留晚餐轉訪李樹長長談至

更深而歸

三十日庚戌晴到館朝陳丹卿表弟過訪神燈燈燈堂天若課卷卷亦折閱對

談半日午後雷雨少兩夜密雨吳亦溪文集宵初雷雨而能燈演示

三十一日辛亥晴朝到館午後雷雨無雨天氣驟熱揮汗如珠欲赴館途過姚家因

衣衫濕透身子不適遂中止宵李淑芳弟來調撫感所服開張之裕勉能行

三十二日壬子同人談閒飲余以為開列尚未及瓜處為此舉恐貽羞且此行也係子發

遠之舉一旦寂然名譽攸關尤為不便况所處者數萬無多余豈能素服不戴

三十三日癸丑晴到館朝陳丹卿表弟過訪神燈燈燈堂天若課卷卷亦折閱對

談半日午後雷雨少兩夜密雨吳亦溪文集宵初雷雨而能燈演示

三十四日甲辰運輪到館多往西北平糶的發給各戶交付米手摺至暮以序宵聞報

三十五日乙巳陰西北風平糶公局管汝哈育原到白磁開全以已居同常之列雖非佳年亦不壞也

三十六日丙午晴到館課諸生溫積款午刻往惜字局收買字紙同市者皆仲凌事件

廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

初十日晴 廣東省城來調門字...

本

初四日 晴

為子生日

朝抄左傳經世鈔缺幅往李王

君表弟處道如趙羽儀亦至坐話頗久 午刻在李麗生妹丈

家飲完真酒 伍寶滋表弟來賀年 薄暮宋子樞門人來

初四晚秋過訪謂洛漢局各隅調查事將就緒我輩受本胞

調查之職全未舉行臨待迫促其將何辭以對遂邀余會 查該

過潘志璜金鍊百王 洪小芸李聲玉薛玉坡諸案開明錄

貫出身為同入中有合辦過資格更深至姜岳山家查閱創辦

西北忠民倉諸人輪管論札 查金丹係樂清人寄居瑞安歷十

八世李郁芬永嘉人寄居本邑歷百餘年照抄別通者余內稟明本

籍在寄居三縣受人選舉或選舉他人均有其權金士二君雖非

瑞籍而祖居瑞歷有年所稟告之後列入正冊固無疑義洪福祈

有烟癖身雖列在膠庠而選舉一權恐難免手糾奪又詔請的

章程載丁辦過公益一節聞潘璜曾辦過學務今又在畫長之列

至養倉子者接管在于何年俟核稿果始可填就 是夜小雨

初五日兩成晴旋陰 聞管杏浦將有武林之行為語調調查

士紳籍貫侵晨造訪不值抄左傳經世鈔缺幅近年往洪壽齡

表兄暨許 表侄家拜真 午刻設饌完真震軒妹丈前曾

訂約本月來舍備有相接久俟不至過胡魯鄉家開明 學禮增

年 晚訪余不在家亦往胡家問及法政校外生章程從後

片項各告別 夕偕周晚秋過蔡惺甫蘇娘仙張蘊石洪曉村

陳 各諸家調查均過之蔡蘇諸君出身及絡固無待言陳

君則以資產上論之有五千之譜亦未始不合格也 宵過管

香浦 各下錄志父各家詢問管章二君不計外鍾姓資產豐

饒僅為合格渠竟 寸承認恐填明畝後日因公派捐無從從

備製花燈送社神爆竹聲喧笙簫聒耳又有龍燈三軒向各

盤旋繞蛇蜿蜒動宕宛然如生競以糕橘紅燭為贈未能免俗聊

爾爾斯言足信可怪者各肆門首有以子炮懸諸高架或以數

計或以數千計神龜烹道一過其門即放爆以迎之以無益三事作

一斑已 借寓甥往宮中觀劇至夜半始回

初九日庚寅陰時作微雨 早晨葉雲山駕舟返南瀛羽儀

歸軒兄強留約以明日坐戲園西書室中叙話半日 夕借

寓甥軒兄洋文表侄往前林宮觀劇至暮 雨絲加密與軒

初二對文圍坐夜話劇久

初十日辛卯陰 朝全羽儀妹丈梅桐鼎兒李洋文表侄自丁四

乘舟返過仙峽周小泉表弟家拜年遇潘逸齋家麟如小聖即告

別抵家日已早午 南安公祠設饌完真遂余小飲散席見神座

中粟主像前明註物囑桐鼎捧下一閱并托膝南岳公登江氏夫入

生卒年月以備他日編輯年譜之據南岳公先宮廡文也余久欲為宮

廡公作年譜以佐証無多未敢下筆待此亦一大證據

南岳公生於嘉靖癸亥正月廿九日申時卒于萬曆乙未正月初三日

寅時享年三十有三 江氏夫人生于嘉靖癸亥六月廿八日戌時卒于

萬曆乙未九月初三日申時享年五十有七

中後 月九秋往薛楷家開明籍貫 宵初聞母氏言醉石內弟

前日遣陳寶全過舍屬余為拜兄改借一枝之寄蓋梅兒稟德學

實原為伊弟慶瀾附學孫家溢于人數不便增附之故彼此易教也

成其子至屢至親令乃改視若此有所不解遂往岳母處問明見

拒原由覽內身謂本行內任勞有人司權亦獲同志且沈君竭力

扶持推薦三人皆其親也若弗其意難乎為情余聞之憾甚且所

宣統六年

正月九日午晴

晨起盥漱華整衣冠請慈母

安曆載是日財神方在正北袖香燭携柎柎柎三兒往

大廟神轉往城北叩謁關帝少辰表讀春融堂集中

各日子徵君書劈紅箋試筆成七言二律課兒輩讀書

道柯兒季彬臣表兄玉君稱菊蕊生桂琳諸表第峯賀歲

宣統年恭紀

六龍甫舉華迎元朔即逢頌聖明漢室孝昭初踐作周家

姬旦峯對一天風日開皇路萬里山河壯帝京新政雷陽動

勵治小屬手奏昇平

濟冠集百僚排空閣閣敵丹青九重天子方高拱萬國

臣各進朝麟筆春王徵魯史鳳儀前樂協虞韶於今聖主臨

御日仁治丕昭遠齊

閱花月痕說年花月痕一書為遊常寓意下其間

詞駢語吐屬風雅起伏分明叙章韓二生杜劉二女處雖情

坐花醉月而詞嚴義正不涉鄭聲香草美人離騷遺

燦展閱足暢幽情

二月癸未陰微雨早起抄左傳經世鈔缺幅李麗生

携其子及文全來賀夕閱話議局各條通告

不賀歲宵閱花月痕說本

日甲申陰抄左傳經世鈔缺幅鄭一山兄携其子

賀續至李漢文王炯王浦東諸義兒葉斐汀孫鏡賓

叔季鏗琳稱菊蕊下柳吳伯屏諸君語涉向送來

時費通告一章遣桐兒往諸親戚家道賀宵花日

滿職是故耳更深往薛王坡家坐設至夜半

初六日亥陰晨抄左傳經世鈔缺幅全鄭一山往吳培常金

凱洪慶金眉孫子蘭陳坡仙金世傑方鴻鏘各家調查陳汝仙

在下盤局不值金榮兄弟本樂清籍以寄居論事金凱為江蘇

備備學堂畢業生現充蘇州陸軍步隊四十五標三營左隊官今不

在籍文惠可稽方吳二姓其家確有五千之譜余偕一山兄選集

大小曲為磋商苦口陳辭坐談半日此心志終如石三不可轉放棄權

利彼固自為甘心也夕余因晚秋往蔡閩南薛公覺諸家調查過

詔諸句欲詢所長外籍之人備稟如何規則門以內聞無其人也宵

趙羽儀舞文邀余携柎兒飲圖真酒更深往吳丹臣家開明入

學年教習談良久

初七日戌子晴晨抄左傳經世鈔缺幅全鄭一山往黃二如

調查伊子補柎係外省陸師學堂畢業渠自填明出處四覽

調查周同知南洋陸師學堂畢業光緒三十年蒙旨恩端派去

首屬查學委員兼辦江浦中小學堂三十年派充南洋陸師學堂

普通學堂教員三十三年在浙江鐵路充頭等測繪員云云文惠則

目觀也近午丁田張宸軒妹文偕寓成慶三甥走來年午刻設席

逸羽儀慶生玉君余飯惟玉君不至申後返舟薄暮全周晚秋

家友極處調查宵往薛中渠家調查渠以一生無公益且無名譽

舞轉往其叔玉坡家坐設至更深而返

初八日己丑晴天早鄭一山兄來屬余代作贈呂文起

察聯云有如呂公惠以中國惟師尚父慶既舍居觀察近有遷

之喜山兄曾從其門故所言如是已刻買舟全趙羽儀妹文惠

亦往桐兒往丁田張宸軒妹文家賀年葉惠出

至午刻叙飲夕偕席甥往後李宮觀劇是夜丁田張宸軒

十七日戊戌陰朔風凜冽將有雪意 朝全趙羽儀好文攜樽桐

橋三化塔內外九壇山謁曾祖大父暨伯父先君墓奉留命以仲弟靈

柩久停祖墓之側構草殿而未屑遂邀羽儀環山覓一吉壤至外九壇

先曾祖墓下相得一穴頗為合意俟後日擇吉開 用規定向可也維

時以雲四合天風加厲撲面而過愈覺寒戰 山披冢日居

刻飽飯後騰清調查冊本潘遂齋門人過訪續文李公儀 往來

近暮峭寒甚嚴天空雪花錯落飄下數片宵初畏冷就地頗早至

夜去食榻如水輾轉不寐聞窗外作雙蛇沙聲聞樞一望瓦鱗之上白

積以玉想勝六施感來朝定化爛銀世界矣

十八日己亥侵晨雪融甚疾天仍不霽復雨 鮑澍煥為其祖母黃太

孺人開弔邀余全姜叔作贊哀氣為浩客維時天氣劇寒赴中

者寥寥 協興的送到日報二幣 午刻飲酒中後散席宵仍招飯

十九日庚子雨 朝李麗生妹丈過舍 曾昭仁門人素

開館日子 夕裝釘廣犀芳譜殘本選內子助余釘就 宵閱日報

二十日辛子雨旋陰 西北初等小學及毅武女校開學送桐兒玉浦

東君兒李龍文婿文憲嬌姊弟入校男學計生徒八十四人到者七十二

女學計生徒十七人到者十四人家校堂長潘君志璜教員掌國文者

梁軒與地東修身者包獻亭算術梁志黃歷史姜文初蒙養專班

家相慶女學校長吳君丹臣算術則周君仙也 山人謝學銀道

其婿送山羊交還計子母三隻即日售去得價英銀三元又小龍洋八圓

近午震軒妹丈駕舟來迎母氏之履生趙羽儀過舍共留午餐申

刻開行博兒隨去薄暮往浦東家過其祖母坐話一時 訪李君幼

梅為松松着任往公生錢莊學業梅為東道主受其父之託借金言

才諸人則主廢項調甫孫中愷諸君則主存分門別戶山根多衝

犄角分 都不稍讓未知屆日作何了局余惟以無能自謝作壁上

之觀可也

十三日甲午雨四山隱霧 朝往李麗生妹丈處 談復訪陳丹

卿表弟黃小湖在馬偕坐良久近午便過趙羽儀家 一對時借兄

談席招苦暢如酌選余共飲辭之 薛玉坡遣人送還 講義

錄首冊 夕今周晚秋袖本調查查簿赴初選舉事務 與內外

各漏調查諸君覆核被調查人是否合格其舉貢生員暨入學之年

老照學冊查核至暮未竟留晚餐復研究許久始散會是日到者

東北樞志齡余松舫西南胡吉村東南項調甫家友龍西北余與晚

秋外四隅何友林鄭賓口項志璜賴蘊玉應蘭亭也宵初借晚秋

往何翰臣大令處開明後歷光緒己卯舉人壬辰進士以即用公費廣

西補授平樂府財子緒光緒三十四年改銜府教授出身本極清貴

但以宿疾積成烟癮未為今例耳又過鍾志文家查明辦述一茶計在

東南初等小學及養正兩等小學任教共三年更深遇薛玉坡君家

與鮑漱泉楊小林薛中渠饒翼臣暢談至雞鳴聞明日下午開會

決議存廢中學事堂交爭未知勝負誰屬已

十四日乙未晴旋陰 伯祖姚鮑大孺人忌日 晨過鄭一山兄家

見屋後鐵梅盛開清香襲人遂攀枝折數條携歸供諸瓶中山

兄來必請以密緩數天報命為答洪棟園師遣人送短札來邀

余即日下午到會趙羽儀來談及閱坐忘聊若無所訴適兄來

邀余余出遊故遠相與登城一眺 聞是夕會場大開存廢中堂其

覺何事計主停者得已百零八票主改良者三票主存者三票集議

時陳君即自稱主存之代表人登壇演說為重西園趙醉墨所捐輸

幾至無地可容論者謂其主存一票叙及其兄稿願先生見經濟報

往鏡隴真家典扇扇山王馬周山岳仙夏耀西坐談至三鼓

難學生程度又未合格各分停費 是猶留之際猶許為囑中學校
廢道不必待之云此票足以廢倒眾論餘如池志澄先生議廢節略
十條陳介石主政極指近日項中甫專制以致堂堂腐敗不堪設想一
時當陳所見洵足折服眾心彼執存而不廢徒逞己見以省恐難違
眾而取勝也然而黨禍相尋固往非至于決裂不止 酉刻立
春蒙家美春燒稗葉飲豆粥余未能免俗 宵初趙羽儀姊丈
來談中學停辦之議已決所往會場情事與余所聞之語若合符節
談頃去 訪薛玉坡轉往饒翼臣家與謝哲臣賈滌齋劉己仙項
任礎余松枋陳魯夫鮑漱泉諸君坐談至夜深

十五日內申陰旋晴 趙羽儀妹丈鄭一山講兄余未坐後謂中學
既議停辦而主存之黨猶思運動以圖恢復蚬姆撼樹之譏恐難免矣
可笑也實覺可憐 丁田步連來出戲隱主人書欲于二十日買舟迎家
慈下筆作覆適唐不主大令違紀折柬來招飲迫余速去敗興停登
不成偏午刻赴席居首座者陳介石先生唐君成之羽儀妹丈黃君
如芳春昆仲及余則在陪席執壺者未玉孝廉也敬席介翁先去余與
諸君坐話至暮 宵為月月紅會袖英銀二圓交余君松枋其本堂每月
二十日渠赴杭在警察三試話朝啓行預與同人訂早五天且約此期不必
輪柳須讓彼一着先鞭也過季妹家一坐

十六日丁酉晴旋陰 李友樵內弟來謂近就桐川學校之聘囑余
併致武女校講席心頗非之 已刻過廣明社取來戊申國幣

一冊冊協興局送到日報一來自舊冬十二月

近午往惜字局余李彬臣表兄收買字紙得初印席年芳譜殘本十

冊余家藏有一部不及半種板子棄之可惜遂即攜歸妻岳仙到京

訪遊余友樵說明去就且問校在適是否須為一決適午膳勉留共
飯 夕閱廣羣芳譜缺本 宵初訪周曉秋言朋友推辭席由

全訪潘君志望轉託余向渠覓代造盧再訪外出不值

親高待之薄史何偏其政必欲辭石兄弟也 全鄭一山周曉秋往
江閩信家問明入學年數轉往陳玉坤董煜兩處一查董陳二君夙
有姻誼照語議的章程恐利奪選舉權利不能挽也

十日壬辰陰雨 朝余周曉秋往吳培常方鴻銜金世傑王以
良鮑澍煜各家問明資產金共方三姓仍堅執不允鮑王二處
則甘心承認然鮑以年數未滿王以烟癮未除姑入記事簿以備
複選過洪中夫家開明入學年數洪君在日本早稻田大學理
科肄業許遊學三年昨歲春間已畢業見諸時報矣薛玉坡
遣人假去法政講義錄首冊 午刻諸議局遣人來約下午到

會要有要事集議飯後余同曉秋到局謂限期在適各鄉寫遠未
知辦就否如本城調查已畢先造底冊樣子以為諸鄉於式且研究
其人數有合格與不合格者同人答以調查草冊均未攜帶約定十
二日內外各屬任此責者准赴會研究到者何友林 翰藻 楊拱廬
一廉家友龍 顧項調甫 胡藻 廷珍 胡杏村 贊元 余松枋 思也
有借周曉秋往薛同宗覆驗文憑

二日癸巳陰雨 朝管丹山遣人送到法政講義錄第六冊趙
儀妹丈來談為中學存廢一事受唐未玉孝廉之託囑余寫函
致儀主人屈日開議約其早為到會以決存廢余以軒兄近月對付
界胸中頗積塊氣憤憤不能平婉言辭之不為程管 夕過
庄訪曾定甫不遇轉往德象女校一坐時吳君伯仲修其

不辭勞怨洵足羨也 公周曉秋復往黃蒲樞家查驗父范中間填

在江南陸師學堂畢業首尾恰計三年即此班頗覺合格其餘所列

不必也 宵往薛玉坡家一談聞余邑尊碍于公議定十四日開存
心中學會場選紳學界會議陳介石主政唐未玉大令

心中學會場選紳學界會議陳介石主政唐未玉大令

往中言 德象高等女子小學校開學余邑尊蒞校許女弟子三十餘人往觀適散堂坐談半頃歸書祭文帝誕文 夕到館仍課昨日國文 薄暮雨霰 宵初因誕祭頒發胙肉各項票憑蒙女校堂長遣人邀余赴席不遑往是夜子時官僚登岷山閣祭文帝值年司 澤麗生將中筵邀余全鄭一山君作贊

二日癸丑雨 文昌誕日到館終日授左傳課兼誦術廣明社到日報自正月廿三至廿六止補作舊冬過嶼北庵訪采極和尚五章遣李乃文送牛肉贈蔣中筵君遣李安全送羊肉贈曾宗甫

三宵過仲妹家一坐

暮過嶼北庵訪品蓮上人不值
已黯荒村古寺傍山麓蕭蕭動寒風
聲聲戰葦竹我本勞役
苦僕僕佛印舊知心結茅此地下能參三昧禪垂簾常閉目
善推敲香山下讀龍華會上人此僧起予獨企慕久傾
玉音聞空谷有事田間來訪舊暫停轂向晚過招投者樂歌在
陸觀面竟無緣中懷徒往復敗興返前村燈光露茅屋

復訪品蓮詩僧坐談至夜

散聚本無常飄萍宛寄迹重過古禪林自笑羈塵客詩僧今已歸一過心暢適樂為倒屣迎謬側崖左席餉我雁頂茶味甘沁胸膈翦燭共清談彷彿已山夕自憾逐浮名禪理膜終隔說法拜生公何年化頑石沈無鄭谷才論詩鮮所益愧非一字師下筆良不見空疎孰如余平生深頌惜獨羨禪室寬經典偶解釋下榻款陳蕃俗子無其格落葉響空階寒風動鈴索抵足夜聯床二覺曙窗白初四日甲寅雨到館朝夕均授歷史兼信札課閱陳生文波舊藏江淮水災流民相照二十餘幅當其時淫雨為災民遭陷溺田廬淹沒一片汪洋至其數姓不登舟民無告有剝樹皮以充饑者有

廿四日己巳早雨旋晴到館終日授左傳課過廣明書社購來鄧秋門所著雅慶詩文集五冊仲容先生所註九族古義述周禮三家佚注各一冊梅兒自丁回返福潤尚送到日報本月十五日起至二十日止宵過李妹家坐談至三鼓

廿六日丁未早雨旋放晴光氣暖柱礎生潮先府君忌日晨為桐兒抄國文課本已刻到館李漢文初未受課午刻令鄭君一山袖調查清冊往初選事務所研究填注曾否合格惟于功名上其補廩補增一節稍欠注明遂暫攜還再為加意查訪訂于月尾准繳夕仍往館中力使人增補為估所山樹刻已成約未遑令往族去

廿七日戊申晴到館授中史兼誦術終日宵偕鄭一山君復往洪曉村盤圍守脩處調查烟癮雖經力戒而未斷絕以本省官吏論循其成例亦不得列入正冊也

廿八日己酉晴晨為桐兒抄國文課本鮑澍煥初到塾課國策觸龍說趙太后竟曰族人德之來問密印寺曾否藏有碑誌并先宮唐公行述也答以碑記則所藏而行迹曾為採訪頗有頭緒談久而去廣明社送到日報三紙宵往族長家說明存款力宜俾存切勿假手他人致遭糜費德之亦來訂囑談至三鼓歸

廿九日庚戌晴雨水晨起為桐兒抄地理課本并脩身到館課諸生温昨國策承清命再騰前作壽師七言八律

午刻袖呈品蓮上人祝壽師出親友祝壽諸作付閱惟羅照詩
筆最瀟灑師評之云羅為冠余居其次談項告辭仍到塾授歷史
兼算術薄暮過縣庫取祭款約以明月冒雨而歸宵為榻榻
兒專事頑惡不求自立中心憤激痛罵一番

二月初一日辛亥天早雨旋陰晨往後園散步瞥見冬青樹枝葉
盡脫惟一幹挺然牆側翠柏又摧折幾盡詢諸家人為柶柶也頑
惡之所致大聲疾呼氣鬱鬱不能平者良久族人增楠過余謂山
樹將行刈伐林中伯未閱視陰木較其疏密定厥去留特向余致意
也以退管辭到館陳生觀瀾初未受課陳永嘉人棟甫之子也昔
在藝文學堂昨歲從包君兩臣學授國文樂毅遺燕王書解說竟日
薄著通縣庫取來英跌十翼以應祭文帝辦備豆品之需宵
初往趙羽儀妹文家坐談至二鼓是日午後丁田步連來携釜甥
有銀去作書胎教

前札領差自廿二日開館後無日不忙碌異常中間廿六日李生漁文
來館廿八日鮑生潤總上館本日陳生觀瀾又未上館不逞離步家母
在尊府盤桓久濶問安殊深抱歉然亦為館政所囑以致三耳陳生亦
嘉人客歲從包惠臣進本年曹公甫先生為弟作介紹從學于余東金
計十六元上下以弟之空疎無具漫擁鼻比將來其何以對付有所不及祈
吾兄加意指示為盼統計本年餉脯已百五十餘元數甚巨也諸兄
在家甚惡劣後園舊植萬年青樹并翠柏一本特地摧折極難養
一人耳目實有難周似此關係甚難祭祀近
冗內外需人不能兼顧家母如決意還家乞為代叩約空日子買舟未
迎可也經舍處囑其諸報均帶至乞下轉交足下已承允矣草率
下筆乞為原諒

初二日壬子天陰寒透風峭加嚴 蔣星漁先生為其夫人開祭晨

廿一日壬寅連日陰淨暖日晴光心頗暢悅朝抄左傳經世鈔
缺幅趙羽儀妹文來談館東孫君桐軒遣人折柬來訂明日開學
之約午後過宋隅小學同人以蒙養新生頗盛議添聘一教席諸人均贊
成過趙羽儀妹文家談轉往亦玉處小坐適有舊董者來計三項
一為中足白絹董其昌行畫一為郭叔橋蘭竹行草四小幅董字少生
趣鄭筆頗秀逸真贋則未易辨宵往李穉菊家談至三鼓

是日曹定甫先生在麗生家邀余一叙近以陳某誥嗣欲從余學托
曾君介紹但鄙人已受宋君之囑臨時變局恐難為情曾君極力推
挽勸余收留又道及宋居西門路途遠往返甚不易陳雖家居溫郡
寄宿于楊君潤谷家與館相近且所獲又不瑣屑取其大而遺其細亦
明哲之舉也余以所言甚合意遂決曾君去後即訪宋志俠託其代
辭薄暮宋之家人來袖志俠之札呈否詢余并謂附學翻句晚下始得
信諸事已備如何待事余問心自疚惟以東家嫌余附館太多為辭而已
廿二日癸卯晴是日門館到者孫延錦韻茶兩兄妹李乃父曾昭
仁竟日授左傳課宵初館主人招飲全席者項蓮溪先生幼彝
孫叔印錢賓華芝行飲罷告別轉往李柱琳表第家近月柱琳與
弟錫琳志意賭博耗盡囊金學業生涯恐難措拄伊此李邀余調
處乎其為遂自取破敗如欲挽救必先籌其大局以免至于不完分析
離店實屬下策借稱前報其大有推算盈虧數三鼓歸時殘月

高三次許矣
廿三日甲辰晴到館授國策范雅說奉
坐談甚久宵初往族長成良公家探問估研山松毛消息過張
君家增備桐昌後至謂舉行修譜邀余總理其事以慰族人也余答
以筆墨之事其責在余至經濟上之問題司其出入則固不敢問津也甘
居客位是處無權余誠所願諸人唯唯談至三鼓歸夜小雨

諸公如以鄙言為不虛舍舊圖新是為至要
 試驗歷史問怕夏侵據南路八城朝議棄之英又代為之請
 黨力爭其不可所陳之說孰得孰失試即其論而折衷之問
 羣臣効力而得奏收復之功者試畧叙其始末 閱劉豫州
 不著其法乎抑有所為乎試明其故 授國之方 國學趙

校肄業也 夕到館補授左傳暫定館中課程表仍以丁日為休息期

課程表

上午

下午

戊日	試驗歷史	左傳	字	左傳	祿術
己日	試驗左傳	歷史	字	歷史	課札
庚日	試驗歷史	輿地	字	四子	祿術
辛日	試驗輿地	國文	字	國文	課札
壬日	左傳		字	作札	國文
癸日	試驗左傳	歷史	字	歷史	祿術
甲日	試驗歷史	輿地	字	四子	課札
乙日	作札	國文	字	國文	國文
丙日	課古樂府	補課	字	作文	
丁日	休息				

廣明社送到日報正月廿七日起二月初四日止 宵冒雨過仲妹家一談

初八日戊午陰雨 到館朝授左傳 夕課歷史并祿術 鮑澍煥請假
 不至改鮑文課 聞是日主存黨強開中學余挺生大令臨校深覺黨
 人擅意私開頗拂其意而懲棧諸生發言盈庭羣欲與余令為難者大令
 答以曾否存廢不能作主當請命于吳 太尊云云諸生遂一闕而散余
 令即于晚間命駕赴郡存廢亦黨中人亦各約眾晉即一決雌雄我西
 北薛王坡周曉秋二君尤為踴躍想積久生憤彼此反對不爭不攻擊
 不止 薄暮訪唐叔王孝廉過之與談良久聞庭前所設古瓶為備
 兒擺去數十年舊物一旦破壁而飛良足怪也古之人所稱為古是公
 烏有先生者斯歎殆其遠歟 仲妹留晚餐談至三鼓始歸
 初九日己未陰雨而寒 高王母羅不孺人生辰曾伯祖華鏗公忌日
 到館朝試驗左傳 世子申生不辨驪姬之罪何忘 智足以明理哉

純智者也乃因立博子而見遂豈其智之不及乎試明其故 授史 薛
作兩門人昨夕迎娶許氏女已結褵矣午刻設席以酬羣賓余不逞狂
桐兜赴席許女為仲筮 金鋪 孝廉之女與余為表侄女行也 夕授

國文龍翰目伊尹五就解 宵過李栗脚處與吳伯屏伍震羣
坐話并談及近日毅武女校腐敗已極之情形吳周二教習循環甚
邊人代課其人有未甚合格者余不時過校觀此景象實難隱忍

初十日當揭其隱以為主教席之疲玩者戒吳伍二君唯唯
初十日庚申晴積雨經旬今晨開朗大暢人意 晨起錄近作詩

往毅武女校調查吳君丹目為王一巨家婚娶人情之事未了周
眉仙君則以稟存中學偕同人駐郡懸牌報課諸生已散堂而歸
余心憤甚過西北小學為姜文初白之 已刻步行往丁田妹家省

母近午抵其家即叩母氏安留午飯坐談半日出近作囑啟隱園主
批閱日色西斜遂辭 而返抵家時已薄暮 宵過李玉君家
其兄彬臣先在談及管吾浦本日自杭省返遂偕往訪之渠派處龍

求司選員邵小棠派緝雲家墨西派松陽本邑司選員則台州尹郁
更輔也 自謂詰朝即赴枯家頻洲亦至坐談良久行一揖禮作送前
日廣明社送到日報本月初五日起至初七日止

十一日辛酉晴 晨起作短章將毅武近月情形告諸同事
毅武女校現象不堪聞矣自開校以來該校教員彼此告假實有
不可以終日者非為酒食應酬即為赴會集議雖有倩人代課

不過一了賬目已耳堂長之所為如此教員之所為 亦何怪教員
之責者其何以自問更何以對本校之諸生 暇不時到校諸生頗有
怨言于諸生之父兄尤多指摘試問客歲諸同事聘請教員再

磋商言猶在耳今忽忘心豈毅武之興由于吳忍不屑收歛後效而
以顛羊存之手 歟 祖居西北曾參末議早素齋直不忍旁觀同

磨石粉以果腹者或半月或旬 奄奄待斃不一其人甞斯圖者能
不為之歎歎乎 薄者過德象女子高等女校閱各班甄別卷冠首
者項瀛文筆秀挺句法諧暢此為諸生之特出者讀其文不勝欣羨

予家子弟懶于求學可鄙也
初五日己卯朝雨夕晴天氣較溫 到館授國文王介甫遊褒禪山
記 無評術終日 柳琴軒送來章氏遺書一冊欲售于余以價不
廉辭之 宵仍陰翳閱五子時事畧 夜雨

初六日丙辰陰雨 到館朝課諸生溫國文 夕出國文課題
蘭相如與康頌文歡論 補作謁臺暮雪各體詩 薄暮伍
襄屏送到德象女校任教日表一紙每屆來復五日到校授課二句
鐘宵初往詢之係分教歷史一門坐談良久而回謹鼓二下矣

元月十七日登九壇山謁墓
朝出北郭門衝寒風上遠翠巒翠峯集雲山在邇沿路錦湖行
離城已數里籬落倚人家油花半吐小葉行之路近幾窮入山間澗水

流征蓬策策鈞衣藤鞋戴嶺邊枯葉多 改作枯葉 清響答發盡洗
靈招鳴禽喧聒耳疊疊古塚存半沒荆榛裏歸土念先人餘蔭庇
孫子拜龕展孝思我心感靡已日晡悵言旋隔林想歌起

十七日向晚微雪
嚴寒加重不勝衣密密同雲布四圍日暮朔風空際捲却疑輕絮作
雨飛

似解爬沙靜裏聞紅燈失談冷爐魚夜寒被覺如如水勝六施感已
十分

初七日丁巳陰 先遠祖翔軒公忌日 朝在德象高等女校授正科諸不
子歷史太古課平陽陳少文先生攜其侄孫女薇生來觀學并欲送本

邊 河 市 圖 文 記